

KUSOMA KILA MÜTHENYA

ùnengani 4

Mwei wa ikùmi – wa ikùmi na ùmwe – wa ikùmi na ili

2024

# ÙvooMùseo

Wa kila mùthenya

**MANA**

VATE THOOA

IVUKU YÌ YÀLE

KÜNENGANWA VATE THOOA

NÜNDÜ NÌ YÌYIWE NÌ ATW'IKI MAITÜ

Ta manzi mathithu kwa mùndü wì waùni, ùlye ou ùvooMùseo wùmìte nìhì yì kuasa (nthimo 25:25)

*Uebert & BeBe*  
**ANGEL**



## UEBERT & BEBE ANGEL

Kwa myaka mingi wiani wa Ngai, Athùkùmi ma Ngai Uebert Angel na mùka wake Bebe Angel methiitwe na wasya mùnene kùtavanya ndeto ya Ngai yì mùmo na wathani nthì yonthe. Athùkùmi aa nì amwe kafi wa ala maandikite mavuku ta, KAÚ WA KÍÍVEVA, ÚTHAITHI, VENGI SYA MBOYA, ÚTONYI MÚNENE WA MWÍÍKÍLI na mavuku angì maingì. Uebert Angel na mùka wake Bebe Angel nì atongoi na aneeni ma vata mùno nthì yonthe na nì mamanyikite kwa woni, ùtùika na ùnyau wiani wa Ngai. Ta ambìlìilya ma ìkanisa ya ùvoo mùseo (ùtùo wa veva) na kìnengo sya athani ndongoi ii nìtethetye andù aingì na vamwe na kùmàlùlùmìilya muikiìoni kwisìla kithitoni sya kùtavanya ùvuan'yo wa ndeto ya Ngai.



**MWAMBILILILYO 30:27**

**Na Lavani amwĩa ethiwa ìndi ñinonete ùseo methoni makù ìkala: nùndù ñinimanyite yeova nùngathimaa kwondù wakù.**

Andù ala wanyuva kwikala namo nok-withiwa me uathimo mùnene thayùni wakù. Lavani akineena na Yakovo amwĩa aŕi, "ñinimanyite kwa ìvinda kana yeova nùngathimaa kwisila vala ùi!" kwa ndeto ìngi Lavani aelekany'a umo wa ùathimo wake na kwikalany'a na Yakovo

Nthini wa ùklisto, aklisto aingi ñimaleaa kùmanya kana ni ùndù wa vata kùnyuva syikalo. Mbivilia yasyaa kana andù alùngalu manyuvaa anyanya moo na ùi. Ni ùndù wa vata kwikalanasya na andù ala me ùthuthyo wiani wa Ngai

na mwikalo wa mùklisto.

Kùkalo sya andù mate ma ùthuthyo thayùni wa mùklisto ni kùetae kùsyoka na ìfina. Anyanya makù me ùtonyi wa kùtuma ùvaluka kana ùendee na mbee.

## ŪNEENI WA WATHANI

**Ve ùtonyi kafi wa anyanya ala nanyuva kwikala namo! Kùma ùmùnthi ùù kuendee na mbee, ñinaleana na ùtao mùvuku thayùni wakwa na ùla wanangaa mùamba wakwa na Ngai.**

### ŪELEKANY'O WA MAANDĪKO

Nthimo 13:20

### MĪTHENYA 365 YA KŪSOMA MBIVILIA

Mùsoa wa ùmùnthi: Lùka 1, Yoana 1



**Yoana 3:16**

**Nùndù Ngai nìwendete nthì, nìwanenganie mwana wake e ùmwe nì kana o ùla ùmwiifikilaa ndakae ìndì ethiwe na thayù ùtathela.**

Kafi wa uklisto ùù nì mùsoa ula aklisto aingì masomaa vate kuelewa umanyisyo waw'o. Yila Mwiai Yesù wamanyiasya yìùlù wa thayù wa tene na tene kilungunì kii, nìwendaa kumanyisya kana ve maùndù maingì nthìni wa thayù ùù wa tene na tene.

Ona kwithiwa yìi nì ìvuso yìla ùnengetwe ta mùklisto ya thayù wa tene na tene, ndeto ii 'THAYU WA TENE NA TENE' wambililyo wasyo ni ZOE o ùla nì thayù ota ùndù Ngai winaw'o. ù thayù wa tene na tene nì kwisila vinyani wa ngai o ùla ùtathelaa, na matei, na ùtonyi

na ùi wake mweene. Syìndù syonthe syì ngwatano na mwikalo wa ùngainì nì syikalaa thayù ùtathela . Kùma yìla watangiwe thayù ùù nìw'o wanengiwe.

Klisto akùnengete thayù ùla ukonet'we na Ngai; Na ìndì ta mùklisto kana mwana wa Ngai wimùtonyethye kwikalala thayù wa ùseo wa tene na tene. Wonzu ndùkonanw'a na ùmbo na ùmo waku; wimùtonyethye na ùtonyi mwingì wa thayù mùseo na mawiko manene mwakani ùù wathanitwe kwithiwa ta mwaka wa yìia na ùkì wa nzùkì!

## ŪNEENI WA WATHANI

**Nimùnenge thayù wì mùtuo wa ùngai! Nì ùtonyi mùnene wa kwithiwa na maùseny'o manene thayùnì wakwa. Nìkalaa thayù usùite useo wa tene na tene isyìtwani ìnene ya Yesu!**

### ŪELEKANY'O WA MAANDÏKO

Yoana 10:28-30

### MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 1, Luka 2



**Meko ma atùmwa 2:38**

**Na Vetelo amea alyùlai ngoo na mù-  
vatiswa kila mùndù syítwani ya Yesù  
klisto mwone ùkekeo wa nai syenyù na  
mùkoosa mùthinziò wa veva mùtheu.**

Kila ndùù yakawa kwisila kùneenany'a!  
Yithwe nì ndùù na mwendwa waku,  
ndùù na syana syaku kana ndùù ya  
viasala, yikalaw'a ni kùneenany'a kwa  
kùlelwana. Kwondù wa ou ta mùklisto  
waile nikwithiwa na ndùù yi ùneena-  
ny'a na veva Mùtheu

Andù aingi nimanyamaa nundu wa  
maundu maito ma nthi ino nundu ma-  
tisi kana evo mutetheesya wa kila ivin-  
da indi yonthe. Veva Mutheu ni kyumbe  
sya kiimundu na waile kuneena nake  
ta mundu! Mutavye undu ùtindie, mu-  
tavye maonyamao maku, usindi waku;

mutavye maundu onthe nundu we ethiwa vamwe naku akutetheesye.

Veva Mutheu ni muthinzio unengawe mundu o ula wamwitikila yesu klisto. Ethywa veva Mutheu e nthini waku kwa uwo ki, vate vinya ungi ukenda nundu umo wa mavinya onthe wikalaa nthini waku. Kwithiwa na unyanya museo na veva mutheu ni ululumilyo Munene wa thayu wa uklisto. Ivinda yingi waamuka mukethasye veva mutheu!

## ŪNEENI WA WATHANI

**Nyie na veva mutheu twi ngwatano yi unyanya. Avoyaa vam-  
we nakwa , na nineenaa nake kila muthenya. Ameni.**

## ŪELEKANYO WA MAANDIKO

Alomi 8:26

## MITHENYA 365 YA KUSOMA MBIVILIA

Musoa wa umunthi: Mathayo 2



**2 Timotheo 2:3-4**

**Umiisya maundu maito vamwe nakwa ta musikali museo wa klisto yesu. Vai musikali e kauni uvindaniw'a na maundu ma thayu uu; ni kana amwendeesye ula wamuandikie ethiwe musikali.**

Kila nguthu ya asikali yithiawa na wia wayo ula yanengiwe ni asyai- isya mayo. Ou niw'o Mwai Yesu klisto utunyuvite kwithiwa athukumi ivindani yii ya muminukily'o. ona kwithiwa andu aingi matesi kana twi ivindani ya kau indi ti kau wa mauthyululuko kana utandithya, kana syithio indi ni kau wa mathayu.

Musoa uu niw'o mwikalo wa ala mena wito uthukumini! Ni wonan'yo wa kana musikali museo ndakonetw'e kwithiwa na mea ma syindu o ila sya amwe ala

mate kauni. We tawi musikali museo wa yesu klisto niwaile kwivetangana na mawiko ma nthi ino; ithiwa na kithito sya wia ula Ngai wa kunengie.

Ethiwa wi mutavanya, kana mutwiiki wa uthukumi, kana mutetheesya wa ikanisa, wi vata wi mwanya Munene muvangoni wa Ngai. Nduketikile kwikala miaoni ya nthi ino indi ikala na mwikalo wa musikali wa kau ni kana umutanithye o ula niwe wakwitie wiani

## ÛNEENI WA WATHANI

**Ta musikali museo wa Mwai Yesu Klisto, mwikalo wakwa ni wa musikali! Ndikalaa miaoni ya misngi ya nthi ino; nthini wa kau uu wa mathayu ni musitalini wa mbee!, ameni.**

### ÛELEKAN'YO WA MAANDIKO

Savuli 144:1

### MITHENYA 365 YA KÛSOMA MBIVILIA

Musoa wa umunthi: Mathayo 3, Maliko 1, Luka 3



**2 Akolintho 4:17**

**Nùndù thina ùù witù mùvùthù, ùla wa kavinda kanini, nùtethasya wìa mbee na mbee mùno wa ùtùetee ùtaio ùta-thimika wa tene na tene.**

Ùsumbinì wa Ngai, niwe wonan'yo wa utanu wa veva mùtheu! Nadwaile kwithiwa na kavinda o na kanini kwondu wa kuthosya wonzu; ni undu utaila mbee wa muvango wa Ngai thayuni waku. Ona ou wivo, aklisto aingi nimethiawa na utanu wa kavinda kwondu wa maundu ala mekikaa.

Klisto atutangiie kuma kwinengane mimeoni mithuku. Kwondu wa ou niwaile kukilya mavinda vinya na kutana na utanu ula Ngai ukunete kwisila yesu klisto. Kutana na utanu wa Yeova nikwikaa maundu on the ala makonetw'e

na kumwosa Yesu Klisto.

Utationio wa usumbi ni kana kila wonaa nisyu ukwataa, yila wasisya na metho na woona maundu matekwaila kwianana na wendi wau, ukilya woni waku na ukyona na woni wa vevani. Sisy mawisilo maku na utonyi wa ula ukutonyethasya. Osa vinya yiulu wa motato on the na ukyosa utanu kuma kwa Ngai na ndukatongoew'e ni mimeo.

## **ÛNEENI WA WATHANI**

**Nimunenge ivuso ya kutana na utanu wa Ngai! Ninimakilitye mavinda vinya. Maundu onthe mate ma kwaila nimasiasya na metho ma vevani.**

### **ÛELEKANY'O WA MAANDIKO**

Yakovo 1:2

### **MITHENYA 365 YA KUSOMA MBIVILIA**

Musoa wa umunthi: Mathayo 4, Luka 4-5



**Akolosai 3:1**

**Ethiwa indi mwathayuukiw'e vamwe  
na klisto, manthai maundu ala me iulu,  
vala klisto ui ailyi nthi ngali ya kwoko  
kwa aume kwai Ngai.**

Masindanoni ma mathau ma mbalasi, mbalasi syikiawa isiiei muthemba wa miwani ni kwondu wa kusyivetangana na kwona utee wa nzia ya kusembela na kwona mbee muvaka kusinda. Ou niw'o etikili mailite kusisya na mbee na kwikia miwani ya veva kusiiia ilingi.

Yila metho ma mbalasi isu maseseewa, matu masyo mekalaa memavinguku ni kana mew'e wasya wa muingi wasyo. Ta muklisto niwaile kwithiwa wina useseei wa ilingi o na vamwe na kumwiwa Ngai uendee na savali ya uklisto.

Musoa uu witumanyisya kana ethiwa twi atangiie twaile ni kuia wikwatyo witu maunduni ala me iulu. Ilumye nthini wa wia ula Ngai wakwitie kwa undu wa kuuthukuma na usyaiisya thayu waku ndukena mbee wa mausoanio maku.

## **ÛNEENI WA WATHANI**

**Nisiia ilingi syakwa syonthe! Nisisya ukilanyoni oula nailite kusemba! O ta masindano ma mathau ma mbalasi, nisemba muvaka ukilanyoni! Usindi wakwa ni Munene mwakani uu wa ii ana uki wa nzuki**

### **ÛELEKANY'O WA MAANDIKO**

Mathayo 6:33

### **MITHENYA 365 YA KUSOMA MBIVILIA**

Musoa wa umunthi: Yoana 2-4



**Yosua 3:5**

**Na Yosua amea andù, ìvathanei mwìthiwe atheu; nùndù ùnì Yeova akeeka moseng'yo kafi wenyu.**

Yosua niweese viù ve vinya nthini wa ùtheu na ùtheu wa kiliko, thayù mùtheu na meko matheu. Ethìwa ìndì ùkaatiia wito waku nthini wa ùthùkùmi, no mùvaka wìthiwe na ùtheu. Andù aingì meyosete ta aklisto na kwikala thayù ùte wa uklisto na kwikonan'ya na maùndù ma nthi ìno. Kwikala thayù ta ùsu na ùkwenda kwona thayù wa ùtisu mùtheu ni ùndu wa ùtumanu.

Mùsoa ùù Yosua akineena na ana ma isilaeli amea ni methesye: nùndù ùnì ùsu Ngai nùkwika maùndù manene nthini woo. Kwa vindiisya wone wikiko wa maùndù manene kuma kwa Ngai

wai o kwithesya!

Ni ùndù wì laisi kwìthiwa na wasyo mùnene wa maùndù aa ma kùseny'a ala Ngai ùkwenda kùmeka thayùni waku nùndù wa kùlea kwikala thayù wa ùtheu na kwivathùla kuma maùndùni ma nthi ìno. Ìthìwa na ìvuso ya kùamùa kwìthiwa kwivathùla kuma maeoni ma ùthùku wa nthi ìno na ùkeethiwa na ùkùsiio mùnene wa maùndù manene ala Ngai ùkwika thayùni waku.

## **ÛNEENI WA WATHANI**

**Ve vinya mùnene mùno ùtheuni! Kwa kwivathùlana na mimeo na mawendi ma nthi ìno, nì kùthosya maùseng'yo ma Ngai thayùni wakwa! Ninis nina vinya ÛTHEUNÍ wakwa!**

## **ÛELEKANYO WA MAANDÍKO**

Mathayo 5:8

## **MÎTHENYA 365 YA KÛSOMA MBIVILIA**

Mùsoa wa ùmùnthi: Mathayo 8, Maliko 2



**Alomi 8:11**

Îndi ethiwa veva wa ùla wamù-thayùùkisyè Yesù kùmumya akw'unì nùtwie nthini wenyu, ùla wamù-thayùùkisyè klisto Yesù kùmumya akw'unì akaminenga thayù mii yenyu ìla ìkusaa, kwondù wa veva wake ùla ùtwie nthini wenyu.

ìkanisa yi ùvosyo wayo mweene. Yila watwikithiw'e mwana wa Ngai wanengiwe thayu wa tene na tene, kwondù wa ou ndùkwenda ùvosyo. Motato na mowau makùkia nì makilaw'a vinya nì mùthinziò wa Ngai ùla wi nthini waku. Mbivilia iasya kana kana ethiwa thayu wa ùla wamù-thayùùkisyè Yesù Klisto wi nthini waku, o ta ou veva ùsu ùkalùlùmilya mii yenyu.

Ona kwithiwa kùtonyethetwe ou, andù aingi nìmanyamaa mùno nì kwondù wa mowau ta ikua na kùìwa nì mùtwe. Niki? Mbivilia iasya kana andù ma Ngai nìmakusaa nùndù wa kùkosa ùmanyi! Ìndi,aklisto makwatawa nì mowau nìkwithiwa matesi vinya ùla me naw'o.

Kùsoma maandiko matheu ma Ngai niw'o wambiliyo wa kùmanya thayù ùla Ngai wendeaa andù make. Lea kwikala mìnýololoni ya mowau, ìndi ìthiwa na ùnyau nthini wa ùtaalamu wa ùvosyo wa mùndù mweene.

## ÛNEENI WA WATHANI

**Ngai nùnete miiò yonthe ya kwivosya nyie mweene mavinda onthe. Nina ùtùika wa kwivosya nyie mweene nthini wakwa! Ndikakwatwa ni mowai ìngi! Amenì.**

### ÛELEKANY'O WA MAANDÏKO

1 Vetelo 2:14

### MÏTHENYA 365 YA KÛSOMA MBIVILIA

Mùsoa wa ùmùnthi: Yoana 5



Lùka 4:4

Na Yesù amùsùngia, nìkùandìkìtwe, mùndù ndekalaa thayù kwondù wa kimùtù Kyoka.

Mùsoa ùù wìtùmanyisa ùndù mwìai Yesù wasùngìe motato ma satani na kùtùnga ùì wa kùmitùmia ndeto mathayùni maitù. Ila Yesù waisye kana mùndù ndekalaa thayù kwondù wa kimùtù Kyoka, wai wonanwo wa ùneeni wa ndeto sya mùnuka indi ti myamulo ya Ngai.

(logos) Myamulo ya ndeto ya Ngai nìw'o wonan'yo wa maùsoanio, mìvango, kitumì, mwìkalo na mùtuo, ìndì (rhema) nì ùneeni wa ndeto kuma kwa Ngai kwa mùndù kwa ìvinda na kwa kùtùmi. Ndeto ìno yì vinya wa kùkwaka ìvindani ya vata na kwa undu wa

ou wathani wi vata mwingi muno. Ndeto ino rhema wamikwata ni ya ùathimo mùnene nùndù nìo ùkwenda kavindani o kau.

Kwa ngelekanyo, nì kwìthiwa ùìvìfìla maùmù thayùni waku, na ùinee-neewa ndeto kana ùìkwata rhema kuma kwa Ngai akwasya 'nìnakù ìvinda yonthe'. maandìko aa maandìkiwe ìvinda ya tene ìndì methiawa ndeto ya rhema ìla veva mùtheu wakùneneea kwianana na ùndù thina waku ùìlye!

## ÚNEENI WA WATHANI

**Ndisoania ndeto ya Ngai, veva wake nùkùneen'ya ndeto syi thayù sya ìvinda ìla ngùsyenda! Ndeto nìkwaka thayù wakwa! Amenì.**

### ÚELEKAN'YO WA MAANDÍKO

2 Timotheo 3:16

### MÍTHENYA 365 YA KÚSOMA MBIVILIA DAY

Mùsoa wa ùmùnthì: Mathayo 12, Maliko 3, Lùka 6



### Aevelania 11:1

**Na ìndì mùikiïo nì kila kìmanyithasya vyù maùndù ala mekwafitw'e na nì kila kikiithasya maùndù ala matonekaa.**

Mùikiïo kwa kithyomo kinini nì mûneenan'yo na satani. Ùndù Yeova Ngai ùkwasya ìlù waku na ùndù satani ùkwasya.usindi waku nthini wa mûneenan'yo ùù ùkaumana na umanyi waku wa ndeto ya Ngai. Mbivilia ìasya kana mùikiïo wùkaa kwondù wa kwìw'a na kwìw'a kùkaa kwondù wa ndeto ya Klisto. Ou nì kwasya kana mùikiïo wùkaa kwondù wa kwìw'a kùsyaawa nì kùsoma maandiko ma Ngai. Ethywa ndwina mùikiïo ùndùni ùla ùkwika, ndeto ya Ngai niyo ìkakùkilya

Eka ndeto ii syume ìthanguni yìi na syìthwe usiio Mûnene kùmana na ùvùngù

na usesengo wa satani. Ila satani wookila na kwasya we wì mwonzu, eka ùsùngio waku withiwe atii, 'YEOVA niwe vinya na musuvii wakwa; ngoo yakwa nì mùikiïte, na nùndethasya!' satani akwia wi mùwaù, thingìlilla kana 'Yeova eaniasya mavata makwa onthe!

Ndeto ya Ngai ithùkùmaa ta mùsingi wa mùikiïo. Ìmanyisye kùmitùmiaa ta ùsùvio ìla satani wakùkia. Ìla wina miio ya mùikiïo ndùthingithika.

## ÛNEENI WA WATHANI

**Mùikiïo wakwa nìw'o ukusiio wa maùndù ala matonekaa! Ndeto ya Ngai yatùmika nesa nio ùsùvio wa ùvithùkio wa mùmaitha. Nitùmia miio ya mùikiïo nesa! Ameni.**

### ÛELEKAN'YO WA MAANDÏKO

Alomi 10:17

### MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 5-7



**2 vetelo 1:10**

**Kwondù wa ùu, ana-a-asa, thangaai muno mùlùlùmìye kwitwa kwenyu na kùnyuvwa kwenyu: nùndù ethiwa nìmùkwika maùndù asu, mùikalulufika o na ìndii:**

Nikùwetekanaa kana tùvulini nivo vakomete inengo na ndoto na talendi ila itaatandithwa. Ûthyùmùoni wa atandithya anene, aini, aandiki, na andù aingi ala inengo syoo itathùkùmithwa. Òndu wa kùmasya muno.

Andù aingi nimekalite vate kwosa na vinya wito wa Ngai mathayùni moo! Ona kwithiwa mùsoa ùù ùmanyisya ùndù wa kwitw'a ùthùkùmini kwianisya wito. Ndeto ino Kwitw'a nì kwithing'iisya na kieleelo kwika ùndù; kithito nthini wa

kwika ùndù ona wiva. Ethiwa wito waku nì wa uw'o ki kana wìtìtwe nì ngai, wailite kwithiwa na kithing'iisyo na kithito sya kwianisya wito ùsu.

Aklisto aingi nìmethiawa na kùkengeka kana nìkwithiwa nì atangiie nimekalaa kwianana na mùvango wa Ngai thayùni woo. Òu nì ùndù wì vaasa na uw'o! Kefiwa nì ou, vaùlo ndailitwe nì kùmwia mùtavanya mùnini ùla nì Alikivo asùvie muno ùthùkùmi ùla wosete nthini wa mwiai nì kana awianisye.

## ÛNEENI WA WATHANI

**Nì mwite ta mùthukùmi wì kithito na winyivyo! Nikalaa thayù wa kwianisya wito ùtatonya kùkaiwa wa Ngai! Vinyani wa veva mùtheu, nìmùtongoesye nthini wa kila ifambya ya kwianisya wendi wa Ngai.**

### ÛELEKANY'O WA MAANDIKO

Akolosai 4:17

### MÎTHENYA 365 YA MBIVILIA

Mùsoa wa ùmùnthi: Mathayo 9, Lùka 7



**Avilivi 4:6**

**Mùikemakìe kwa ùndù ona wìva; ìndì kila ùndùnì mavata menyu nìmata-vanw'e kwa Ngai na kuvoya na kwì-suva vamwe na kùtùnga mùvea.**

Yesù nùtùkìithìtye kana twìna ùsindì ìlùlù wa mavinda onthe. W'ia, kùkia na kùyaya kùyaile kwìthìwa uklìstonì.mbvìlì-ia ìtùtavasya kana Ngai ndaatùnenga veva wa w'ia ìndì atùnete veva wa vinya, na wa wendo n awa kìlìko kìaniu! W'ia nì mùthìnzìo; mùnengane wa w'ia nì ndevìlì!

Ivetangane na ndeto ta ii 'nina w'ia' kwìthìwa uneenìni waku nùndù tì ndeto sya Ngai nì ndeto sya satani! Ta kana ka Ngai ùmo wa ùnyau waku nì ùmanyi wa ùla wìkalaa nthìnì waku.

Îla wìna w'ia na kùyaya, lìlikanaa ndeto sya Yoana, 'inyw'ì,syana syak-wa nini, mwì ma Ngai na nìmùmakìlìtye vinya! Nùndù kila kaù Ngai nùkùnengete mìio ya kùùkita. Leana na w'ia, kùyaya na kwìthìwa na mosoanio ma kyeva na ùkyosa ùnyau nùndù Ngai nùkùsindaniìte kaù.

## ÛNEENI WA WATHANI

**Nì wa Ngai; ndìteva kwa ùndù ona wìva! Kwa Ngai ni vo vena ùnyau wakwa! I am of God; I am not anxious for anything! Amaitha ala mambùkìtaa na kwona ta akasinda maùkìtaa kaù matekasinda! Amen.**

### ÛELEKAN'YO WA MAANDÎKO

1 Yoana 4:4

### MÎTHENYA 365 YA KÛSOMA

Mùsoa wa ùmùnthi: Mathayo 111



**Yoana 14:13**

**Na ùndù ona wiva w'onthe ùla mwivoya syitwani yakwa, ngawika, ni kana asa ataiwe nthini wa mwana.**

Vai ùndù ona wiva ùtonya kùvoya Ngai akalea kùnenga! wendi wa Ngai thayùni waku ni we ùsinde; ìndi ona ethiwa wendi wa Ngai kùla ùi ni kana we ùthue, ti kwasya kana niwithiwe mùthwii. No mùvaka ùmitùmie ndeto ya Ngai ni kana wendi wa Ngai wikike thayùni waku!

Mùsoani ùù Yesù easya kana ethiwa tükavoya isyitwani yake, akeanisya ùndù ùsu. Ou ni kwasya kana no mùvaka withiwe na kieleelo sya ùndù ula ùkùvoyeea. Kwamba kùmanyanya kila ùkwenda ni kùkalataa matùnda ma ùndu ùsu. Ìvukuni ya mathayo, mbivilia

niyikiite ndeto ii vinya kwa kwasya kana 'Ethiwa ukeeyiaia kiima na kùkia nikivetange.... ou now' o maùndù ala Yesù ùneenete makithiwa. Ithiawa na kieleelo na kùmanyanya kindù kila ùkwenda ìndi ti kwasya kana ithiwa niw'o wendi wa Ngai ngakwata, ayiee usu ti muikiio.

Ithiwa na ùnyau nthini wa vinya ùla Ngai wikiite nthini waku! Ndukamùnyivye Ngai kwa kùvoya syindù ila ùkwisilya tasyo ùtonya kwika; ìndi mùvoya ona mbee wa syindu syi ùlù wa mosoani maku na ùisyaisya mawiko ma Ngai.

## ÛNEENI WA WATHANI

**Navoya isyitwani ya Yesù, ni na kieleelo! Ninisi Ngai evinya wa kwianisya mavata makwa, ona mbee wa woni wakwa! Amen.**

### ÛELEKAN'YO WA MAANDIKO

Mathayo 17:20

### MÎTHENYA 365 YA KÛSOMA MBIVILIA

Mùsoa wa ùmùnthi: Luka 11



**1 Athesalonika 5:16-18**

Tanaai mavinda onthe; voyaai m̀utek̀ueka; t̀ungai m̀ueva kila ùnd̀uni: ǹund̀u ùu niw'ò Ngai wendaa nthini wa klisto Yesù ngali ì yenyu.

Mboya ni ùmbo waku. Kùlea kùvoya ni ta Kùlika kaùni na ivuti itena isasi! Kù̀ngama na mboya ni kwiyaaka kwa ùnd̀u wa kù̀kitwa ni satani.

Mbivilia nit̀unete ngelekan'yo ya vata wa mboya; ngelekan'yo imwe ni Mwaii Yesù mweene. Mavinda on the mbivilianì Yesù niwavoyaa na kithito atek̀ueka mbee wa kwika kyama na ifina wa kwika kyama, o na mùvaka kyama kila kinini viu sya kwambwa mùkelan'yonì kwa ùnd̀u wa nai syitù na kùt̀vetangia kùvitan'ya kwitù vamwe na kùkilya mboa vinya.

O na ou wìovo, and̀u aingi ikanisani methiawa na kamanyio ka mboya ya ùvùthù, kùvoyea leu na ivinda yila meùkoma na kwithiwa na wendi wa kwona matunda ta ala ma athùkùmi ma ivinda ya tene mbiviliani.

And̀u ta mùtumwa Vaùlo methiawa na ùkùmbau munene mboyani na ùkùmbau ùsù wìoneka ìla ùkwia akolintho kana etungia Ngai muvea ǹund̀u avoyaa na kithyomo mbee wamo onthe! Wamanya vata wa mboya ndùkathingithika!

## ŪNEENI WA WATHANI

**Nimùkandiaa mùùmaittha na vinya mboya! Kwa kùneenan'ya na Ngai nimwìkie vinya! Amenì.**

### ŪELEKAN'YO WA MAANDIKO

1 Akolintho 14:18

### MĪTHENYA 365 YA KÛSOMA MBIVILIA

Mùsoa wa ùm̀nthi: Mathayo 13, Lùka 8



**Savuli 119:105**

**Ndeto yakù nì taa wa maùù makwa, na kyeni kya nzia yakwa.**

Ta mùklisto, ethiwa wikalaa kivinduni na wasyaa wina kyeni, wì mùisyoni mùnene! Nthì ìno niyendete nthimo ta, 'ndwaile kùvìndùà mwìkalo kwondù wa kùtanithya andù,' kana 'ikalaa wiyìsì' nao ndeto ya Ngai ìasya kana nìtùthiane kwìthiwa twì eaniù o ta ùndù Yesù wai mwianiu.

Kitumi sya kùthin'wa nì maveva mavuku o na wì mùtangìile ni ùndù ùtonyeka, mbivìlia ìasya, ùvuan'yo wa ndeto ya Ngai ùetae kyeni, kwa ùndù wa ou, kùlea kùsoma maandìko kwa kithingìisyo nì kwìtikìlya kivindu kyongeleke thayùni waku.

Mùsoani ùsu, ndeto ya Ngai ìelekan'wa na taa wa maùù.ou ni kwasya kana wakomana na motato na kivindu syakùthiùùka nìwaile kùtùmia ndeto kuken'ya na kùùtongoesya .osa ndeto ya Ngai ta kyeni kùma ùmùnthì ùù.

## **ÛNEENI WA WATHANI**

**Nìnisì kùùkitana na maveva ma kivindu. Ndeto ya Ngai ni taa wa maùù makwa ya kuken'ya miendele yakwa yonthe. Kyeni kya ndeto nì taa mùnene ta wa kìwanza wa kùvetanga kivindu vaasa nakwa!Ameni.**

### **ÛELEKAN'YO WA MAANDIKO**

1 Yoana 1:7

### **MÏTHENYA 365 YA KUSOMA MBIVILIA**

Mùsoa wa ùmùnthì : Maliko 4-5



**Mwambîlilyo 13:14-15**

Na Yeova amwîa avalamu. Ìtina wa kùtaanîsya na Loto, yu ùkîlya metho maku ùsisye kuma vala ùì ngali ya ìlùlù na ngali ya itheo na wumiloni wa syûa na ùthùiloni wa syûa. Nùndù nthi yonthè ìla ùkwona ngakùnenga we na ùsyao waku tene na tene.

Kwa ìvinda, nùleaa kwîw'a wasya wa Ngai nikùkelea kwîthiwa na ìvinda yakù wîweka! Ivindani yîi maùndù nî maingî ala ma kùvetanga matu maku ndetonî sya Ngai.

Maandiko aa memanyîsya kana mbee wa ùvuanyo, vethiawa na kwivathula! Nî ùndù wa usen'yo kwîthiwa Avalamu ndai atonya ùkwata ùvuany'o mbee wa kwivathùla. ìla wethiwa ma mea ma Kwenda kwivathùla, wîthia na ìvuso

ìseo kwa kùete ùneenan'ya na Ngai.

Mbivilia nikùtwon'ya ùndù Mwîai Yesù wethiawa na ìvinda yake e weka ya kùneenan'ya na Ngai. Ivukuni ya mathayo, Yesù niwatùngithasya andù na kwambata kîimani nî kana kwîthiwa na ìvinda yake e weka. O ta Yesù niwailite kwîthiwa na ìvinda yaku wîweka na kùsîia ìlingi na kwîthukîl wasya wa Ngai.

## ÛNEENI WA WATHANI

Nîniyendete ìvinda yakwa nîweka. Nînisî mbee wa ùvuan'yo ve kwivathùla. Nîiyîaia ìvinda yakwa nîweka ngeethiwa nîton-ya kwîw'a wasya wa Ngai na kùkwata ùvuan'yo! Ameni.

### ÛELEKAN'YO WA MAANDÎKO

Mathayo 14:23

### MÎTHENYA 365 YA KUSOMA MBIVILIA

Mùsoa wa ùmùnthi: Mathayo 10



**1 Yoana 3:1**

Sisyai ùndù wendo wa Asa ùilyi ùla ùtwendete naw'o, kana twitwe syana sya Ngai; na niw'o twisyo. Ùndù wa ùu nthi nditwisi, nikwithiwa ndyaamùman-ya we.

Mbivilia nikùtwon'ya kana wendo ti kwa ùndù wa kunengane kw'oka indì ona kwosa! Uw'o wa Ngai ùla ùtavìndùkaa nì kana we akùngie we kana ka Ngai syìndù syonthe! Mbivilia ìasya kana o na kila nzw'ii syonthe sya mitwe yenyu ni ndale nì Ngai kwonan'ya lato ùla ùite thayùni wenyu!

Twì aingivie nì wendo wa Ngai! Kwingivwa ni kùnewa vate kithimo kana kùnyiviwa. twì anenge thayù kwa wingi. Ùmo waw endo wì nthini wakù na ùmbitwe na ùtonyi wa kùngane na

kwosa kwa wendo. Ùu nì w'o ùndù wa vata kwonan'ya wendo wa Ngai thayùni wakù.

Wa ikala na ùmanyi wa niwe ùù nthini wa Klisto na wì waù nthini wa Klisto, vai mwanya wa wonzu kana kùvalùka thayùni waku. Ambìia kwikala ùmanyini wa wasya wa ngoo kana Ngai o vamwe na kùkwenda e vata nakù!

## ÛNEENI WA WATHANI

Ûw'o wa Ngai ùla ùtavìndùkaa wì na ùkùsì nthini wa maùndù onthe ala ùmbikite na ala ùkambika mwaka ùù wa ùkì wa nzùkì na ìia! Amenì.

### ÛELEKAN'YO WA MAANDÏKO

Savulì 17:18

### MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 14, malìkok 6, Luka 9



**Yakovo 2:26**

**Nùndù o tondù mwii ùte na veva ni mùkw'ù, no ta uu mùikiio ùte na meko ni mùkw'u.**

Nthini wa ìkanisa ùmùnthi ùù, ve na unyaaiku wa andù kwithiwa matekùmìthùkùmìthya ndeto ya Ngai.o na kwithiwa kùsoma mìsoa ni kùseo, na kùvoya ivinda iasa, kùmìtùmia ndeto ya Ngai kati wa ùneenan'ya na mwikalo ni kùseo kwa ùndù wa kwikala thayù o tondù Ngai wavangie.Mbivilia ti wonany'o wa mwikalo mùseo w'oka kana kwikala ùtheuni kw'oka, indi o na ni ivuku ya kwiyiwa kwa kila mùklisto.

Mùsoani ùù yakovo nùkùweta ùndù wa vata mùno; mùikiio ùte meko nìmùkw'u !Aklisto aingi ni maseng'aa niki mekala thayù ùte na ùtanu na mùsamo na

maileaa kùthi ìkanisani kila wa syùmwamavoyaa mùthenya na ùtukù na kùthi mbùmbanoni sya ìkanisani

Kiini ni laisi. Kila ùnyamao wonaa ta kana ka Ngai ni wonany'o wa ùndù ùmitùmiaa ndeto ya Ngai, nùmitùmiaa kana ndùmitùmiaa. Ngai ndatùnete ùtonyi wa kùmililikana ndeto w'oka indi o na vinya wa kùmìthùkùmìthya. Ùtunge mùtuo wa kùmìtùmia ndeto ya Ngai na kùmìthùkùmìthya kila ùndùni wa kila mùthenya.

## ÛNEENI WA WATHANI

**Nimithùkùmìthya ndeto ya Ngai kila ùndùni wa thayù wak-wa!Nyie ndi mùklisto ni kwondù wa ùmanyi ùla ninaw'o w'oka indi o na kwa vinya ùla nonanitye. Mwakani ùù ningùsyaa matunda**

### ÛELEKAN'YO WA MAANDÏKO

Avakuki 2:4

### MÎTHENYA 365 DAY KÙSOMA MBIVILIA

Mùsoa wa ùmùnthi: Yoana 6



**Aeveso 4:32**

**Na mwithiwe mùkyailan'ya ene kwa ene, mùkiw'anìa tei,mùkìekanià inyw'i kwa inyw'i, O ùndù Ngai nake wamùekeie inyw'i nthini wa klisto.**

Ta ana na eitù ma Klisto ùla mù-thayùùkù,twì aekee nai syitù syonthe! O na ùù wìvo aklisto aingi masoaniàa ùekee ta ùndù wa kùùthùkùmìa vandù va kùnewa vate ndivi! Mbivilia ìasya kana wathambiw'e nai syaku syonthe ìla wamwìtikilile Yesù ta mwìai na mùtangìii waku. Kwa ùu, ìla walea kùekea wikalaa thayù wì ùtee na ùndù Ngai waitye thayù wa mùklisto wailite kwithiwa ùilye na niwìtikilitye ùthatu ùkùsumbìke.

Mbiviliani nitwonetw'e mavinda maingì vinya wa ùekee.ìvinda yimwe nì ìla

Yesù klisto aendee na kùnnyamaa na kùthìnw'a amasisya ala mendaa kùmùùmìsya na amavoyea akyasya, 'Asa, maekee!' O ùndù ùlae ta syana syake twaile nikwika;kùekea ala matùkitaa na kùmavoyea.

Mùsoa wìtùmanyìsya kùekea ìvinda yonthe na mana, o tondù Ngai ùtùeete! Ùmùnthì ùù ethiwa wina ùndù na andù, onany'a wendo wa Ngai ùla wì nthini waku kwa kumaekea!

## **ÛNEENI WA WATHANI**

**Ndiifìkila ùthatu na wendi wa kùìvanìsya ùnzumbìke!o tondù Klisto wandekeie, nìngwìka ou kwa angì.Ninoosie ùekee vate kùiva na nìngùùngane vate ndivi! Amenì.**

### **ÛELEKAN'YO WA MAANDÏKO**

Akolosai 3:13

### **MÏTHENYA 365 YA KÛSOMA MBIVILIA**

Mùsoa wa ùmùnthì: mathayo 15, Maliko 7



**Isaia 54:14**

**We ùkalùlùmìlw'a ùlùngaluni: ùkeethiwa kùaa na kùthinw'a nùndù ndùkakia; na kùasa na kùfisw'a nùndù kùtikakùthen-gea.**

Mavinda ma motato mokaa kùtata mùuo na ùuu ùla ùmaa kwa Ngai! Nthi ìno yì ìvindani ya mwiso, satani aendee kùtata mùuo na ùtanu ùla Ngai wìite syanani syake. O na ùu wìvo wailìte kwikala ùtathingithika na kùlùlùmìlw'a ùtheunì.

O na mùuo ùla wì ìlùlù wa nthi ùendee kùvindùka na kùlùlùtika, Mwiai Yesù Klisto anenganae mùuo ùla ùtathingithikaa o na ìvinda ya maùtato na kùnyamasw'a. Ndeto ya Ngai yìna ùthei; vai mùio ona wiva ùseùvìtwe ùtonya ùkùmina! ìla wamanya viù ùla

na kila Ngai ùkwifite kwithiwa thayùnì ùù, mùvango w'onthe wa mùù-maitha ùkavalùka.

Ìmanyisye kùmùikìla Ngai, nùndù nùkùsindìite kaù! ndùketikile kwimakia, w'ia na kùteva kana nzika kùthingithya mùmo ùla ùmaa kwa Ngai. Mùsingi wakù ni Mwiai Yesù Klisto, ndùthingithika!

## ÛNEENI WA WATHANI

**Nðthingithikaa ìla thìna wooka nùndù mùsingi wakwa nì Mwiai Yesù Klisto. Mwakani ùù wa ìia na ùkì wa nzùkì, kwithiwe mbùa na sùa ngaùngama mùuonì wa mùsumbì wa asumbì! Amenì.**

## ÛELEKAN'YO WA MAANDÏKO

Yoana 14:27

## MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 16, Maliko 8



### 2 Akolintho 4:16

Kwondù wa ùù tùfiuteva; ìndì o na ethìwa mùndù ùù waitù wa mwii nùnùkwoa, ìndì ona mùndù waitù wa nthini niweùvaw'wa kila mùthenya.

Nthini wa veva, ùndù mwii ni uendee na ùkùa naw'o veva wakù uendee na kwithiwa wi mwana. ona mii yaitù ya nyama yathela veva witù ni wa mùika. Kii ni syo kitumi kila kùvinga kùya ne ùtaalamu mùseo vevani ìla ùendee na kùvinga, ùvinyiiaa mwii ni kana veva wakù ùlùlùmìlw'e!

Mùsomì ùmwe niwekie ùkunikili wa kùmanya ùndù ùtonya kùtùnga ùkuu na ìtina. Aendee na ùkunikili niwethiie kana genes ìla itumaa wikala wa mùika nisyo itaamùsw'a. ìtina wa ùkunikili na thiolì mbingì niweethiie kana genes

ii nosyamùsw'e kwa kùwikalya mwii ùithùkuma.

Mbiviliani twiona andù ta mose ala mavikie vandù wethia veva woo wa kiimùika nùkwoneka! ona ùkùùni wake, metho ma mose ni moonaa nthi ta mwanake wa mùika. Ta mùklisto mitùmie mii ta kùvinga kùya kwondù wa kùthangaasya veva waku. watùmia ùtaalamù ùù umite kwa Ngai maùndù ta ùwau na mìnoo ikakùtia!

## ÛNEENI WA WATHANI

Veva wakwa ni wa mùika na usùitwe ni vinya! Ngìunya-masya mwii wakwa wa nyama veva wakwa nthini ùendee na kùlùlùmìlw'a! Amenì .

### ÛELEKAN'YO WA MAANDÏKO

Kùtùngìilwa kwa mìao 34:7

### MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 17, Maliko 9



Savulì 50:10

Nìkwìthiwa kila nyamù yimùtìtùnì nì yakwa, o na indo syì ìmani ngili.

Mwìai Yesù Klisto niwe kyùmbo sya kìmùndù kila syaminengie nthi ìno mumo! Niwatùnengie woni na kùsoania kùla kwaile ni kana kwika maùvìndùku maseo o tondù weekie. Nùtùtethasya kùmanya ùndù wa kwiyailya ùndù wa kùmasùmbika mavìnda na kùma unya-maoni!

Lea kwiyona ta ùte vata. Ambìia kùlea thayù wa kùsonoka nùndù wi kila kindu ìndì ti kùsonoka. Ngai akùmbie wìthiwe mùsindi; kùnyiviwa na ùkyà ndwi nthini wa ùmbo waku.

Mbivìlia ìasya ìthe waitù e indo makili ìmani! Kwakù ùsu wìona ta ngy'a?a-

yiee! O tondù ìthe wakune mùthwii, nùtumìte syìndù syonthe syake syìthiwa vakùvi na ala mamùatìiaa. Ethìwa vengi yake ndwina mbesa kana mùtavi aùngeme mùomoni, ìyiaie ìvìnda yaku.wi mùthwii nthini wa Klisto;ùendee kùmanya ùathimo waku!

## ÛNEENI WA WATHANI

Ûkyà nì kùmbo. Nìnaùlea oyu!nìthùkùmaa Ngai ùtanyiviawa nì kindù;Ngai nùnete kiliko sya kwiyailya.ndìkavalùka nùndù nyie ndì wa kùvalùka. Ûkyà ti kilungu syakwa!Ameni

### ÛELEKAN'YO WA MAANDÏKO

2 Yoana 1:2

### MÏTHENYA 365 YA KÛSOMA MBIVILIA

Mùsoa wa ùmùnthi: Mathayo 18



**1 Mavinda 22:5**

Na ndaviti asya, solomoni mwana wak-wa ni mūnini na mwololo, na nyumba ila ikakīwa Yeova mūvaka yithiwe nzeo muno, muno, yithiwe nguma na ya kūtaiwa nthi syonthē;kwondū wa ūu ngoomban'ya syindū kwondū wayo. Na indi ndaviti oomban'ya syindū mbingi muno atanak'wa

Ve nthimo nimitavasya ethukīisya mak-wa, "ivuso ya kwika undū ni kwa ala meyūmanity'e." ūneeni wa ūw'o! Ta muklisto ni ūseo kwiyūmbanīsyā ūathimo wa Ngai thayūni waku! Iulū wa nthi kwi ūneeni ta, 'ithiwa na wikwaty'o kwa syindū nzeo na ūkiyūmbanīsyā ūthūku' indi ndeto ta isu syiyailite kwithiwa kany'wani wa kana ka Ngai!

Ivindani ya mūnyao, ala meyūmbanīsyā mbanda nesa myakani ya mbua mbingi nimo methiawa na ngetha na makūmbi mausū myakani ya mūnyao. O na kuka kwa Yesū Klisto kwai na andū ala matūmitwe kwondū wa kusevya nzia kwondū wa ūthūkūmi wina ūsyao.

Kwa kwiyūmban'ya , vai undū Ngai ūkwitite kwika ūkavalūka! Ambīia kwiyūmbanīsyā mūwaano ūsu, wito na ūthūkūmi ūsu, viasala ūsu ūkwenda kwambīia na maundū angī maingī. Osa mūmo wa kūmanya undū wa kwiyūmbanīsyā wīngī wa ngetha mwakani ūu wa iia na ūki wa nzūki!

## ŪNEENI WA WATHANI

**Niyūmbanīsyā ūseo ivinda yonthē! Mwakani ūu kila niyūmbanīsyē ni ngetha isyitwani ya Yesū!! Amenī.**

### ŪELEKANY'O WA MAANDĪKO

Nthimo 24:27

### MĪTHENYA 365 YA KŪSOMA MBIVILIA

Mūsoa wa ūmūnthi: Yoana 7-8



Yosua 23:14

Na, sisyai, ùmùnthi ñinguthi na nzià ya nthi yonthe; na inyw'i ñimwisi ngooni syenyu syonthe na mathayùni menyu onthe, kùtyaalea kwianiw'a ùndù ùmwe kati wa maùndù onthe maseo ala Yeova Ngai wenyu waneenie ùndù wenyu; onthe ñimeaniw'e kwenyu, kùtyaalea kwianiw'a ùndù ùmwe wamo.

Kila syonthe Mwiai ùmathite ala mamùatiia ñikianiwe! Ìndi o na oú aklisto aingì nomekùnyamaa ùndù wa ùwau, kùnyiviwa na mathina thayùni. Niki? Nùndù wa kwithiwa matyaambìia kùendany'a na ùw'o wa ndeto ya Ngai.

Ta aklisto, ñi ùndù witu kwikala wathonì wa Ngai. Twalea kùmitùmia ndeto ya

Ngai na kùngana nayo, mbivilia ndikethiwa kindù sya vata eka ndeto syi mathangùni.

No mùvaka twimanyisye kùikiia watho ùla Ngai wiyiaite ndetonì yake kila ùndùni w'onthe thayùni. Mùsoa ùsu witùikiithya kana vati ùndù Ngai ùtwathite mùvalùku. Waendany'a na ùw'o wake, kiùùyù na mosoaniò mate mùthya maikaùsumbika! Maùndù ta ùthwii, ùima wa mwii, na wianiu ti watho w'oka ñndi ñi watho ùla mwianisye! Ìkalaa nthini wa ùkùsi wa kana maùndù onthe me vakuvì naku!

## ÛNEENI WA WATHANI

**Kila watho wa Ngai ñimwianiu thayùni wakwa! Ùmùnthi ñikala ùw'onì wa kana kila matho ma Ngai ñimakwa na ñiyiaia ùathimo kila ùndùni wa thayù wakwa!**

### ÛELEKAN'YO WA MAANDÏKO

2 Akolintho 1:20

### MÏTHENYA 365 YA KÛSOMA MBIVILIA

Mùsoa wa ùmùnthi: Yoana 9-10



Savuli 30:11-12

Nùalyùlite kùmeta kwakwa kwithiwe kùsùnga; Nùmbotooketye makunia makwa, na kùmbotoa ùtanu;

Ve kùtana kwi ùtonyi wa maendeeo! Mathina maingi aklisto mavitila ma-tonya kùmin'wa ni ngatho na kùtana. Mbivilia iasya Ngai ekalaa kafi wa ng-uma sya andù make, vala ve ngatho ntheu Ngai ethiawa vo. Ta kana ka Ngai, ni ùndù wa vata eka kùthaiitha na ngatho indì ona kwa veva na ùw'o!

Ndeto ìno 'kwivotoa' ni kùtata kwika ùndù kana kwailya kindù.

Maandìko nimekùtwon'ya mavinda maingi vala vinya wa Ngai ùtùmikaa kwisila kwivotoa ùtanu. Ngelekany'o imwe ni ìla vaùlo na sila mai kolokoloni.

Kafi wa y'ela nimeesi kana viny awa kwivotoa ùtanu wai vo. Maendee na kwina mbathi sya kùmùtaia Ngai, mbingilo sya kolokolo nisynthithiw'e na mathaw'a kyovoni. Ùu niw'o Ngai withiawa vo ìla ùkùthaiitha nikana kùùthasya kyovoni. Tùmia nesa vinya wa kwivotoa ùtanu ùmùnthi!

## ÛNEENI WA WATHANI

Ngai ekalaa kafi wa ùtaio wakwa! Nìngùùnga vinya wa kwivotoa ùtanu o na ìvinda ya kùtisw'a. mwakani ùù, nìngùta-na mùno o na mbee ùndù naatana! Amenì.

## ÛELEKAN'YO WA MAANDÌKO

Savuli 22:3

## MÎTHENYA 365 YA KÛSOMA MBIVILIA

Mùsoa wa ùmùnthi: Luka 10



**Mwambìlilyo 1:28**

Na Ngai amaathima:na Ngai amea,Ongelekai, mwingive, mùsùsye nthi,na kùmikilya vinya;na ithiwai na ùsumbiko iùlù wa makùyù ma ùkanga, na iùlù wa nyùnyi sya yayaya, na iùlù wa kila kindù ki thayù kiendaa iùlù wa nthi.

Ongeleka na ùyingiva!Andù aingi nì-makonanasya mùsoa ùù na Atamu na Awa, ìndi kilungu kii nokitùmike kila ùndùni thayùni wa aklisto!Ngai nùtùnete ivuso ya kwikala thayù wa ngetha na kwingivwa.

O na kwithiwa ùù niw'o Ngai wendeaa syana syake, aklisto aingi mayikalaa thayù wa kwingivwa nùndù matisi kimbithi sya kùunika. Kimbithi sya kùunika ni kana Ngai nùtùnete maundù onthe

me vata ma thayù na kùtuma tùmùkia Ngai, mùvaka kùunika!

Mbivilia ìasya twi anenge ùsumbiko iùlù wa kila kindù ki thayù kiendaa iùlù wa nthi! Ùù ni kwasya kana vati mündù iùlù wa nthi wina ùtonyi wa kwananga kila Ngai ùiy'ite vakuvì naku. Ekalaa na ùkùmbaù mien-deleni yaku ùkimanya kana wì na kiliko sya Klisto na vati viasala kana ùndù ùtatonya kùùsumbika. Ngai nùkùnete kimbithi sya kùunika!

## ÙNEENI WA WATHANI

Ni na kimbithi sya ùuniki! Ngai nùtumite syindù syonthe syithiwa vakuvì na ala mamùkiiiaa! Ndikanyivwa isyitwani ya Yesu Klisto. Ameni.

### ÙELEKANY'O WA MAANDÌKO

2 Vetelo 1:3

### MÌTHENYA 365 YA KÙSOMA MBIVILIA

Mùsoa wa ùmunthi: Luka 12-13



**1 Akolintho 14:10**

**Nikùtonya kwithiwa ithyomo nyingi kùù nthi, na kùì kimwe kìte na ùvoo wakyò.**

Ndetò ila ùneena nì kwaka kana ikaomboa ùnì waku! Mbivilia ìasya kana vai ndeto ona ìmwe ìte na ùvoo wayo, ìndì aklisto aingì nìmethiawa makìneena syìndù itonya kumaumisya!

Nthìni wa veva, withiwe nì ngùì kana wasya, kila ndeto ùneena yìna wasya wayo. Ndetò syì vinya muno mùvaka o na ùtangìio ùkaa watamùka na kanyw'a waku! Wakomana na mathina maingì thayùnì ìkulye , "nìneena ndeto syiva?"

Andu aingì monaa ùneeni ta, "maaù makwa nìmeùmbùaa" kana "kùkonan'ya satani" na ikile ya sya-

na syoo ta ùndù ùte mùsyo na ùù tìw'o! ndùkaseng'e ìla wambiia kwaw'a nì nyaìì kana ìla mwana waku weeka maùndù mavuku nùndù isu nìsyo ndeto ìla ùvuite nthìni wa veva! Ìmanyisye kwìia kieleelo ndeto syaku; nena syìndù ikon'ya ndeto ya Ngai.

## ÙNEENI WA WATHANI

**Nìngùsisya kila ngùneena! Nìnisì vata wa ndeto ìla ngùneena. nganeena ndeto ìka sya kwaka ìndì tì kwananga.nìneekìa kieleelo uneenini wakwa! Amen.**

### ÙELEKAN'YO WA MAANDÌKO

Nthimo 16:24

### MÌTHENYA 365 YA KÙSOMA MBIVILIA

Mùsoa wa ùmunthì: Luka 14-15



Luka 15:7

Nìngùmùtavya, ta ùu vakeethiwa ùtanù ituni nùndù wa ùmwe mwathe akialyùla ngoo, kwì ala alùngalu miongo kenda na kenda, ala mate vata wa kùalyùla ngoo.

Kùma kwa mùthùkùmi mùvaka mùthaihi mwifitwe kùtavan'ya ùvoo wa ùtangìio livindani yìi ya mùminùkilyo, itulumo nì mbingì ila ndevili wìkìite kwondù wa kùsiia syana sya Ngai kùtia nai na kùmùsyokea Ngai, indì kùmatùngithya ingì ala mamùtìie Ngai nì ùndù wì ngoonì ya Ngai. Mbivilia ìasya ngetha nì mbianù; niwe yu ùkile ùende UKASINDE!

Nì ùseny'o kwìw'a andù makyasya kana matìsi kila Ngai ùmetite kwìthiwa. Mbivilia yìna ùtheu; wìthw'e wì mùthwii

kana ngya, mùtavan'ya na mùsungì wa sukulu, wifitwe kwita andù matangiìwe.

Vala vonthe ùi, nì vandù va kùtavanya ùvoo wa ùtangìio. Ndùkethiwe na kiiima sya ùvoo mùseo wa Yesù Klìsto; ùtavan'ye kwa kila mùndù ùlù wa ùnene wa mùsumbi wa asumbi na ùikùsiia maùseny'o make makiania thayùnì waku!

## ÙNEENI WA WATHANI

Niendee ùkùna viasala wa Ngai, nake aendee na kùsùvìa wakwa! Ngetha nì mbingì ya kùtangìiithya ngoo, na nì ngombo mùùndani. Nìngùmùtavan'ya ùvoo wa ùtangìio mwakanì ùù mbee indì yonthe, isyitwanì ìnene ya Yesù! Amen.

## ÙELEKAN'YO WA MAANDÌKO

Alomi 1:16

## MÌTHENYA 365 YA KÙSOMA MBIVILIA

Mùsoa wa ùmùnthi: Luka 16-17



**Alomi 12:2**

Mùikavw'ananw'e na nthì ìno:ìndì mùalyùkw'e mùtùngwe eù ilikonì sy-enyu, nì kana mwikuùe ùndù kùilyì Kwenda kwa Ngai kùla kùseo na kùla kwitifikilika na kùla kwianiu.

Ûsumbì wa Ngai ùelekanw'a na mùndù ùla wavuùie mbeù nzeo, na ìla kila mùndù wakomete, mùmaiitha ooka na avuùia ìthaa nganùni. Ngelekan'yo ìno ìtùmikìte mùno nùndù aklisto aingì nìmakomete ìla wia wa Ngai ùtemùthelu!

Ethiwa nùkwenda kùkila ta ndongoi ya ùsyaanìo, ndwaile nì kwitìkilya ùndù o na wìva kùvetanga wìthianu waku na Ngai. Mùtongoi wa w'o nìwìsì vata wa kwìthiwa na vinya ìvindani ya maùmù na itulumo.

Ndongoi ya mbai ndinoaa na ndikusaangoo wia ùte mùthelu. O na ùu ta kana ka Ngai, ndùketikile mavinya ma nza malikilile nziani ya wìto waku na kùtuma ùkwa ngoo mbee wa kùmina kyalo. Ndùkethukìsye wasya wa ndevili. Ìtikila ndeto ya Ngai yìthiwe ta ngalawa ìkùkue thayùni waku!

## ÛNEENI WA WATHANI

Nì ndongoi ya ùsyaanìo wa mbai!ndikoma wianì.nìnalea mù-maiitha kùlulufìsya wìto wakwa. Amen.

### ÛELEKAN'YO WA MAANDÌKO

2 Akolìntho 6:14

### MÌTHENYA 365 YA KÙSOMA MBIVILIA

Mùsoa wa ùmùnthì: Yoana 11



**Mathayo 19:26**

**Na Yesù amasisya, amea,kwa andù òndù ùù ndùtonyeka; ìndi kwa Ngai maùndù onthe nìmatonyeka.**

Vatì òndù òtatonyeka kwa ala me nthini wa Mwaia! Ndùkavindùe kiini syaku ngaliko o na imwe;mekie metho maku vala ve Ngai. O na etha wonaa wi na wonzu mùnene, Ngai niwìkìite vinya nthini waku kùsumbika mavinda!

Ndùketikile kùnyivya òtonyi wa Ngai thayùni waku.O na etha ni thina wiana ata, ùthùkùmaa Ngai mùnene!ila wamanya òndù Ngai ùkùnengete vinya wiana vatì mùio wi na vinya wa ùkùùmìsya;withe ni ùnyivu na ùwau Ngai nùkùnete ùsindi iùlù wa maùndù onthe!

Mbiviliani twiona andù ta Vetelo ùla weetawa simioni ùla walyùlo wayo ni mùangi ùthingithaw'a ni kiseve. Ìndi yila Veva Mùtheu wambiiise ùthùkùmi thayùni wa simioni, atw'ikie Vetelo, ìvia ìtathingithikaa!

O na maùndù makilulufika, Ngai ena vinya wa kùùvìndùà kuma mùangini ùla ùthingithaw'a ni kiseve, akaùtùnga ìvia ìtathingithika. ìthiwa na ùnyau nthini wa vinya ùla Ngai ùkùnengete ta kana kake wa kwika kila ùndù!

## ÒNEENI WA WATHANI

**Nindonya maùndù onthe ni nthini wa Ngai! Ngai nùvetangìte kùlulufika thayùni wakwa akanenga kùùngama ta ìvia! Amen.**

## ÒELEKAN'YO WA MAANDÌKO

Luka 1:37

## MÌTHENYA 365 YA KÙSOMA MBIVILIA

Mùsoa wa ùmùnthi: Luka 18



**Avilivi 3:13-14**

Ana-a-asa,ndikwitala mwene ta nìk-wafite: ìndì ùndù ùù ùmwe ñìngwì-ka, ngùlwa nì maùndù ala me ìtina, na ngìkoota ñìvikie maùndù ala me mbee,ningwithing'ìisya kùthi ñìvikie ngoolù kwondù wa mùthinziò ùla neefiwe ìlùlù nì Ngai nthini wa Klisto Yesù

Ùndù ùmwe ùsìlìaa andù ma Ngai kùlea kwona ùsyao nì kùlea kùlwa nì maùndù ala mavitié.Mùio ùù wa ndevili ñùtu-maa mùndù ekala kyondoni kysùite maùndù ala mavitié- ala maseo, ala mathùku, ala me ùthyù mùthùku, na ìi ti ùthùku w'oka wavitie ne mùthùku; ona ùseo. Ñìngùlesya.

Waakomana na andù matanithaw'a nì maùndù meekie tene? Makìweta

maùndù ta, "Neethiawa mùnene!" kana "Nai mùsindi mùnene wa kina na kina myaka mìngò ìli mìvitu." Ùsu nì ùndù mwau? Nì ùndù ùla wavitie ùùkùna wia waw'o, waùkutindisya vandù vamwe na kùtuma ùtasonga na mbee

Kuma ùmùnthi, lea kùandùwa nì makosa kana maùndù maseo week-ìe tene. Eka maùnene o na yu! Ve mùthinziò mùnene mbee, ìndì mbee wambe kùlwa nì maùndù ala me ìfina!

## ÛNEENI WA WATHANI

Ûvoo wakwa wì vala wailite kwithiwa – maùndùni ala mavitié!  
Kuma ùmùnthi ñìngùmìvikia ngoolu yakwa; ùndù w'onthe wa kùndulya ngoo ndukethiwa ìai yakwa ìsyitwani ya Yesù! Amen.

## ÛELEKAN'YO WA MAANDÌKO

Isaia 43:18

## MÌTHENYA 365 YA KÙSOMA MBIVILIA

Mùsoa wa ùmùnthi: Mathayo 19, Maliko 10

# GOODNEWS DAILY SPECIALS WEEK

The **GoodNews Daily Specials Week** is where millions of people worldwide tuned in for a spectacular, epic 5-day telecast as we celebrated the global impact of the GoodNews Daily devotional authored by **Prophet Ubert Angel**, and its heroic partners whose extraordinary efforts have helped spread the message of the hour across the globe. **GoodNews Daily Specials Week** with **Prophet Ubert Angel** was an unparalleled event with guest speakers from the United Kingdom, India, Germany, Fiji, America & South/East Africa talking about the impact of the daily devotional globally. This marked a new era of global impact through God's Word, and we can't wait to do it again.



@goodnewsdailydevotional





**Yelemia 51:20**

**We nue ìthoka yakwa ya kùkita nayo na mìio ya kaù;na ngùkwete ngaitilanga ilungu I mbaì;na ngùkwete ngaananga mosumbì;**

Kwasoania Ngai-- ùla wikalaa ùtheini wake mweene, na mweene vinya wonthe, ùla wiyiaiaa mùminùkilyo kuma mwambililyo-ì, mùnene wa yayaya aimantha mùio wa kau na aikwosa we ta ìthoka yake ya kùkita!

Ìthoka ya kau ni ta nyùndo mokonì ma Ngai ya kwalya mìvango ya satani iùlù wa ùkwati waku, mùtwaano waku, syana syaku, na wia waku. Wethwa na ùtw'i, ùimanya kana wì mùio wa kau, mboyani wì na ùtonyi wa kùomboo kambi sya mùmaitha ta ìta sya kaù.

Ngai nùkùùtùmia kwianisya mìvango yake. Niwe syumbe syonthe syetele wiyonan'ye. Alomi 8:19 mbivilia ìasya atii "nùndù syùmbe syonthe isyaiisya mùno ikyeteela ana ma Ngai meyanan'ye"

Ìthyoanie na ukwosa mwanya waku ta mùio wa Ngai wa kaù. Mùmaitha ndena ùndù ùngì wa kwika eka kùthi!

## **ÙNEENI WA WATHANI**

**Niniyùmbanìsyè kaù, ndafika yonthe ona ivinda yonthe. Nìndonyethetw'e wianì ùù na ùsindi wakwa nìmùkìithye nthinì waklisto. Nìngaùtwaà ùvoò mùseo wì mùmo wa Ngai kùasa na kùasa ìsyitwanì ya Yesù! Amen.**

## **ÙELEKAN'YO WA MAANDÌKO**

Isaia 41:15

## **MÌTHENYA 365 YA KÙSOMA MBIVILIA**

Mùsoa wa ùmùnthi: Mathayo 20-21



**2 Timotheo 4:7**

**Ninùkifite kaù ùla mùseo, ninìminìte mùendo, nìnisùvìite ùla mùikìio:**

Wonan'yo ùmwe wa mùsikali mùseo nì kwikala eyùmbanìye ìvinda yonthe. Kwiyùmban'ya kùseo kwa mùsikali kila mùthenya, kila syumwa kana mwei o na mwaka kwonanasya kana kwiyùmban'ya kùu nikw'o mùtuo wake. Mùsikali wì kaùni ethiawa na ùtw'i wa kùaa na kùawa na vate kwìthìwa ùte na ùtw'i ta mùndù wa kaù!

Mùklisto evata wa kùmanya kana e kaùni. Na nìwaile kwiyùmban'ya kùmùtanìthya ùla ùmùnyuvìte, ùla nì mùsumbì Yesù. Yesù easya, " Ti inyw'i mwan'yuvie, ìndì ninyie namùnyuvie, na namwia, nì kana mùendae mùisyaa, na ùsyao wenyu wìkale: nì kana o ùla mwìvooa Asa isyìtwani yakwa, amùnengae." (Yoana 15:16)

Ùù nìw'o wìko wìtù: kùthi na kùtavya ngoo sya andù ìlùlù wa ùtangìio na ala matangìiwa nìmaile kwikala nthini wa ùtangìio. Kwondù wa ou, osa kùtavanya ùvoo na vata mùnene, wia waku ùthùkùmini wose na vata mùnene, na thayù wa mboya na kithito kinene. Wì kaùni mùnene na kila kindù syonthe na kila mùio nìwaile kùmanyika na kùtumika.

## ÙNEENI WA WATHANI

**Nì mùsikali wa klisto, wendì wakwa nì kwìka wendì wa ùla nìthukùmaa. Mùsumbì Yesù nì vwana wakwa! Ataìwe Mwiaì! Amen.**

### ÙELEKAN'YO WA MAANDÌKO

Meko ma atùmwa 20:24

### MÌTHENYA 365 YA KÙSOMA MBIVILIA

Mùsoa wa ùmùnthi: Luka 19



## 2 Timotheo 2:3

Ùmìisya maùndù maito vamwe nakwa, ta mùsikali mùseo wa Klìsto Yesù.

Vaùlo, mùtùmwa wa klìsto, niwanya-maiw'e mùno o na kwikiwa kolokoloni kwondù wa ùvoo mùseo, ekiã thayu wake mùsisoni ni kana avikiãe kùta-van'ya ùvoo mùseo o na nthi ya kùasa. Kwa ùw'o niwaiiite kùtaa Timotheo mwana wake nthini wa veva kùmìisya maùndù maito ta mùsikali mùseo.

Noùnyuve kwithiwa mùsikali mùseo kana lay'aa! Ìla wendeew'a ni nzukù ìla syina kielelo sya ùkùtw'ikithya mùsukani, nùtw'ikite lay'aa. Ìla wausùwa ni nguma na kùatiia ùvungù vandù va kùatiia ndeto sya vwana waku nùtw'ikite lay'aa. Ìla kùvoya na kùtia kùya na kùsoma ndeto ya Ngai

syakùsyokea mùio vandù va ùtanu, wì lay'aa. Ìla kwikala ìkanisani masaa manini kùùkùnosya ndwì mùsikali mùseo, wì lay'aa.

Ùmùnthi ìfikila thayù nthini wa Klìsto wonan'ye ùmìisyo na kwiyumya ta mùsikali. Ndùkasye vinya, ìthiwa na ùkùmbau wa mùsikali. Mwaka wa ìia na ùki wa nzùki ndùnathela. Nùùtania mwaka ùù ùikinya ta mùsikali wina ùsindi mùnene ìsyitwani ìnene ya Yesù! Ataiwe mwiai!

## ÙNEENI WA WATHANI

Ni mùsikali, ngakinyaa niendete mbee na Yesù ta vwana wakwa; vai kùsyoka na ìtina. Thayù wakwa ni thayù usùite ùkùsì wina ikombe sya ùsindi isinditwe syitwani ya Yesù! Amen!

## ÙELEKAN'YO WA MAANDÌKO

Vilemona 1:2

## MÌTHENYA 365 YA KÙSOMA MBIVILIA

Mùsoa wa ùmùnthi: Maliko 11, Yoana 12



**2 Asumbì 6:17**

Na Elisa avoya,na asya,Yeova, ningùkùvoya,salukya metho make, one. Na Yeova asalukya metho ma mwanake ùsu; na oona:na,sisya, kii-ma kysùite mbalasi na makasya ma mwaki mathyùlùkìte Elisa.

Mùthùkùmi wa Elisa niwatelemete, yila woonie masungùkìtwe nì amaitha. Mwathani Elisa ndai mùndù wa ùmanyi mùvùthù. Na vati mwathani wa Ngai wì ùmanyi mùvùthù , nùndù nì mùneeni wa Ngai na anaengetwe vinya kuma itunì.

Mwathani Elisa niweesi kana athiùùkìtwe nì asikalì anene mbee wa ala mùthùkmi wake wamonaa. Mboya ya mwathani Elisa niyo yavingùie metho ma mwanake wake oona asikalì ala mamathyùlùkìte.

Elisa ndasungawa nì alaika moka ìndì ona makasya ma mwaki.

Kwithiwa vakuvì na mùthùkùmi wa Ngai kùyaile ukwon'ya ta mwianene, nthinì wa veva mùyianana. Ùsu nì wonan'yo wa kana niwaile kùmùnenga ndaia.

## ÛNEENI WA WATHANI

Nìthùkùmaa nyùmbanì ya Ngai kwa wìnyivyo na kìthito. Nìng-wikalà na wìnyivyo na kwìting'a kwondù wa kùmanenga ndaia ala Yeova umanengeete kwithiwa iùlù wakwa vevani na ùthùkùminì. Amen.

### ÛELEKAN'YO WA MAANDÌKO

Savulì 68:17

### MÌTHENYA 365 YA KÛSOMA MBIVILIA

Mùsoa wa ùmùnthi: Mathayo 22, Maliko12



Luka 7:8

Nìkwìthiwa nyie nì m̀ndù ùla wiyàia-wa, na nì na sikalì makwa ìtheo wak-wa:na nìngimwìà ùmwe, Thi, na akìthi;-na Ùngì, Ùka, na akyùka;na ngombo yakwa, Ìka ùna, nayo ikìka.

Yesù, ùla waleanile na mìao ya manzi/kiw'u na esila yìlùlù wasyo, Yesù o ùla wàithisyè andù ngili itano vate kùtala syan nini kwa kwìngìvya ìmùtu itano na makùyù eli, ndaanyungunyìsya kwa ùndu ùngì kana kwa m̀ndù ùngì eka "m̀sikalì".

Mwìkalo wa m̀sikalì nì wìw'i kwa mìao! Musikalì waw'o nìwìthukìlìasya. M̀sikalì asungaa ìvuku ya mìao ya nthì , vala kwa etikilì nì mbivìlì, ndeto ya Ngai. m̀sikalì mùseo ǹnetè iwango ndaia na nìwosaa mìao. Ùm̀nthì nì wiyùmbanìtye kwìthiwa m̀sikalì mùseo wa Yesù?

Mbivìlìà nineenaa ìlùlù wa athùkùmi wa Ngai ma ìvìnda ya tene ala meekie thayù woo mìisyonì; meeyosie ta asikalì na Klìsto! Ìvìndanì yìi ya mùminùkìlyo nìyailè kwìthiwa na asikalì aingì mesì kana twì kaùnì na vatì kùleela. Kwondù wa ùu nìwailè kwìthiwa m̀sikalì mùseo kaùnì. Ndevìlì mwanangi nì mùkengani. Ndùkam̀nenge mwanaya.sùvìà ìsesì yakù vate kwìvulan'ya kana ngù.

## ÙNEENI WA WATHANI

Wìvìto wakwa kwa mwìai na mùtangìi wakwa Yesù Klìsto ti wa kùthingìthìka. Nìùngama nìyùmbanìtye wìanì ìvìndanì yonthe, ota m̀sikalì mùthangaau. Amen.

### ÙELEKANY'O WA MAANDÌKO

2 Timotheo 2:3

### MÌTHENYA 365 YA KÙSOMA MBIVILIA

Mùsoa wa ùm̀nthì: Mathayo 23, Luka 20-21



**2 Akolintho 4:7**

Ìndì twì na ùthwii ùsu mìionì ya mùthanga, nì kana vinya ùsu mùnene ùvitùkìte wìthiwe wì wa, Ngai na fi kuma kwitù;

Kuma ivinda ya tene Ngai e nthini wa ùi wake niwawangie kùvitha ùthwii. Ti syindùni ingì na kùndù kùngì kwaa aila ìndì no mùionì wa mùthanga wìtawa mùndù. Mùio ùù wa mùthanga nd-waakua ùthwii w'oka ìndì o na "thayù wa tene na tene" (yoana 3;15)

Ndeto ya kingiliki ìla yalyuulitwe 'tene na tene' ni aiónios, ìla nì nthì ìte mwambilìtyo kana mùminùkilyo kila kyaivo na kikeethiawa! Ùù nì thayù wa ivinda ikoka.

Nùnengetwe thayù wa Ngai! Thayù ùù ti wa wonzu ìndì nì thayù wina mwaki.

Ìno nì nzama: Klisto e nthini waku, wikwatyo wa ùtaio! Wina mwaki nthini waku waùkùthangaasya, vati kindù kikùmìsya. Wì kyùmbe sya kyama kinene kila kikinyaa na kùveva unene wa Ngai. Nokwitha ùtamanya ìndì ùu niw'o ùilye. Ambìia kwikala na ùmanyi ùsu mwakanì ùù wa ìia na ùkì wa nzùkì!

## ÙNEENI WA WATHANI

Nina Ngai nthini wakwa. Nina thayù wa ùù Ngai; kwa ùu, ndi wa kwananagwa, na ndiwa kùsindwa. Wangwata niwathela, ìsyitwani ya Yesù! Amen.

## ÙELEKAN'YO WA MAANDÌKO

2 Akolintho 5:1

## MÌTHENYA 365 YA KÙSOMA MBIVILIA

Mùsoa wa ùmùnthi: Maliko 13



### Ûvuan'yo 8:4

Na syùki ya ùla ùvani, vamwe na mboya sya atheu, syambata kwa Ngai kuma kw'okoni kwa mùlaika ùsu.

Nousoanie nyumba ya kùseùvisya mwaki vala kindù kila kikuma vo ni mwaki? Ìi, kiu nisyo kithembeo, vandù va vevani vala mwaki ùmaa na kùnyaiisw'a! ÌEthiwa nùkwen-da kwikiwa mwaki, kùunyaìsya na kùwonan'ya, sisya nyùmbani isù ya kùseuvya mwaki yitawa kithembeo! Vau ùkoona ùù Ngai ndùkomana na mwii wa kiiimundu

Kithembeo ni vandu mathina maku mathelelea, na kùvinduà ùni waku. Ni vala mboya ivoyawa ta ikùmya mùnyungo wa mwaki wa ùthembi mbee wa Ngai. Vau Ngai aùkùaniasya

mawonzu maku akaùnenga vinya na ùtonyi wake. O ta anna, kùlea kùsyaa mùtwaanoni waku, mbesani syaku kwalyùulawa ùsyao mùnene. Nùkwikika Kwaku ùmùnthi.

As you raise your voice in prayer in that place of fire in your home or place of worship, God will surprise you with the sweetness of milk and honey now and always. Praise the Lord!

## ÛNEENI WA WATHANI

Niseùvitw'e na mwaki! Thayù wakwa ùsùitwe ni mwaki wa kùmina mawendi ma mùmaitha. Mwaki wa veva mùtheu wì mavindini makwa; nùsiiaa ùwau na wonzu kùlika, ni kana nikale thayù wa ùsindi isyitwani ya Yesù! Amen.

### ÛELEKAN'YO WA MAANDÌKO

Savùli 141:2

### MÌTHENYA 365 YA KÛSOMA MBIVILIA

Mùsoa wa ùmùnthi: Mathayo 24



**1 Timotheo 4:12**

Mùndù o na wiva ndakavùthye wana waku, ìndi ìthiwa wì ngelekan'yo kwa ala mefikilaa, nthini wa ndeto, na mwikalile wa thayu, na wendo, na mùikìio, na ùtheu.

Ve ìvinda ya kùkilya na kùthuthya mbai yakù nthini wa ùthùkùmi waku na ìvinda niyo yii! Athaùki ma mùvìla mambiaa tene na myaka minini nùndù nimesi ìvinda nìkoka talendi ìthele kwondù wa wonzu wa mamutha. Ethìwa andù ma ùthùkùmi ùngi nimekwambìia tene, niki ùsoaniaa kwambìia wia wa mùtavan'ya, vasita, mwathani tene ta ùndù mùthùku nùndù wa myaka minini?

Mbee wa wia, wina wito waile kùthùkùmithw'a vate kùselewa. Nì iulù wa kiwango, ti myaka! Ndùketikile wia

ùkùùngamye! Ùngama na ùkyosa mwanya wa mùtavanya wa ndeto wina mwaki wa yesù. Weenyivya mbee wa Veva Mùtheu, Ngai akookilya wasya waku kùvikìia nthi mbingi kwondù wa ùvoo mùseo wa Yesù!

Twikalite ìvindani ya mùminùkilyo nav ate kwananqa ìvinda; soo noùvuvwe ìvinda yonthe ! ùkila!

## ÙNEENI WA WATHANI

Ninyie mwite nì Ngai, mbathùkanitw'e kwondù wa kùthuthya mbai yakwa. Ngatambasya na ùkùmbaù wa mùnyambù kùkilya mbingilo vinya na kùtavanya ùvoo mùseo! Amen.

## ÙELEKAN'YO WA MAANDÌKO

Tito 2:15

## MÌTHENYA 365 YA KÙSOMA MBIVILIA

Mùsoa wa ùmùnthi: Mathayo 25



**Meko ma atumwa 7:55**

Ìndì ausùtwe nì veva mùtheu, ang'ele-  
la aketee ìtunì ,na oona ùtheu mùtisu  
wa Ngai, na Yesù aùngeme ngali ya  
kw'oko kwa aume kwa Ngai,

Nì mavityo kwona athùkùmi ma Ngai ta  
meanene. Ona ùndù mbivilia ikùelesya  
mwikalo wa Ngai ìla sitivini wakimanga-  
wa: Ngai ookilile kivilani syake kwona si-  
tivini aikimangwa!

Kwasoania, nthi nìthingithaw'a nì itulù-  
mo na myako minene ikathìngithw'a  
ìndì Ngai ndaaùkila kivilani syake  
eka yila sitivini wakimangawa akw'e.  
Ùù waile kùùtavya kana kwa Ngai  
tùyanene.

Yii nìvinda andù ma Ngai maile kùman-  
ya athùkùmi ma Ngai mayianene na

kùmanenge ndaia kwianana na mùmo ùla Ngai ùmanengete. Yila  
mùthùkùmi wa Ngai wathana na umaweta asumbi na kùmaneenea  
ùsumbi kana kùmavetanga ivilani,niwaile kùmanya ndaia ìla waile  
kunenga mùthùkùmi ùsu. Ve athùkùmi ma Ngai, malyùùlaa ndua na  
kùvindua mathayu, athùkùmi asù manenge ndaia!

## ÙNEENI WA WATHANI

**Nìngùùnenge ndaia kila ùthùkùmi wì mumo nthìni wa athùkùmi  
ma Ngai! Nìngwinengane kùmanenge ndaia kwianana na  
ùthùkùmi woona mùmo ùla menaw'o. Amenì.**

### ÙELEKAN'YO WA MAANDÌKO

Maliko 16:19

### MÌTHENYA 365 YA KÙSOMA

Mùsoa wa ùmùnthi: Mathayo 26, Maliko 14



**1 Asumbì 1:34**

**Na mùthembi nzatoki na mwathani Nathani nìmamwìkìisye mauta vo ethiwe mùsumbì wa Isilaeli; na vuvai soo, na mùkyasya, mùsumbì solomoni ekale thayù ìvinda ìasa.**

Kwì andù nhìni wa kìiveva mamanan'ye ùtaalamu wa kithembeo mùvaka meeka maùndù manene mùno ma ùvoo mùseo. Malikile ulikunì mùnene nthii wa veva na mathi mbee wa ìvinda mùvaka syìndù sya kìiveva syeeyonan'ya kwa metho ma nyama.

Ndeto ya Ngai itwitaa asumbì na athembi (ùvuan'yo 1;6) ìndì ti athani na athembi! Mwathani eyiaa kwa wathani wake ìndì mùthembi kwìsìla ùtalamu wa ùthembi ena ùtonyi wa kwianìsya kila mwathani wathanaa!

Ìvukunì ya motalo 16:47, ona ùndù kwai na ìvinda yumù, mwathani mose eyiaie (athanie) nake Aluni, mùthembi eanìsya wathani ùsu kwa ùthembi. Yila wamanya kana wì mùthembi nowikonan'ye na ùtalamu wa ùthembi na kùùngamya ùwau nthini wa mùsyi waku, ùtùini waku, na sokonì waku. Ùtalamu wa ùthembi ùkilasya ùtonyi nthini waku wa kùsumbìka. Maùta ma ùthembi maetawe na mboya kwa ùu ambiia ùmùnthì ti ùnì!

## ÛNEENI WA WATHANI

**Nì mùthembi mùnene ùtathingithaw'a nì amaitha. Nìnyìsì nthìnì wa Klisto Yesù, nìyiaìwe ìlù wa ùnene na mavinda! Ameni.**

### ÛELEKAN'YO WA MAANDÌKO

1 Samueli 10:24

### MÌTHENYA 365 YA KÙSOMA MBIVILIA

Mùsoa wa ùmùnthì: Luka 22, yoana 13



Jude 1:9

Ìndi mikaeli ùla mùlaika mùnene, yìla wakandanìe na ndevili na ùkanania nake ùndù wa mwii wa mose, ndaata-ta kùmùvinganisya ta kùmùuma, ìndi aisye, mwiai nakùkan'ye

Mùsoa wa ùmùnthi nì wa kùsen'ya. Mose mùthùkùmi wa Ngai nì mùkw'u na Ngai nowe waendie mathikonì make. Ìndi twisoma tùkona vai na ngananiao kati wa mùlaika mùnene na ndevili ìùlù wa mwii wa mose. Ùù nì mwii mùkw'u ùla ndevili ùkwenda kwosa nì kana kwika ùkunìkili!

Mose aì mùndù wa mùthemba mwaù mùvaka mùlaika mùnene nìwe watumiwe kwa ùndù wa kùsìia mwii wake mokonì ma ndevili? Mea ma mose mai kwondù wa syìndù sya Ngai. Mwii wake

wausùite nì mea ma kwìthìwa vakuvi na Ngai mùvaka ona kìkw'unì mwii wake nìwakananiawa. Wì ìkalù ya Ngai. Mwakani ùù wa iia na ùkì wa nzukì, ìthìwa na mea ma syìndù sya Ngai na alaika makùùkitia kwa ùsindi wa ùw'o

## ÙNEENI WA WATHANI

Thayù wakwa ùsùite mea ma Ngai. Nìnisì ùnì wakwa wì mokoni ma Ngai. Ndikathingithika nongì. Nìosa thayù wa wìto mùnene nthìni wa Klisto Yesù! Amenì

### ÙELEKAN'YO WA MAANDÌKO

Kùtùngìlìwa kwa miao 34:6

### MÌTHENYA 365 YA KÙSOMA MBIVILIA

Mùsoa wa ùmùnthi: Yoana 14-17



**2 Timotheo 4:7**

**Ninùkifite kaù ùla mùseo, ninìminìte mùendo, ninìsùvìite ùla mùikìio.**

Myakanì mìngì nthinì wa kwikala na Ngai ninonete aklìsto aingi nimatanaa yìla kweetanwa kùvoya ikanìsanì, ìndì no kwa ndafìka nini sya mwambiio, mboya yìendee ala meena wasya mùnene nìmaolangaa na ùthangaau niuolekaa.

Eka ngùtavve: mboya tì ithaù nì ùndù wa kìla ìvìnda! Eka thayù waku wa mboya withiwe wa kìla ìvìnda. Ùsembete ùthi va, wiukita naù? Ìmanyisye kùvoya mboya ta mùthaùki wa mathaù ma kùsemba masaa maingì, na ùyongela kùneena na kìthyomo otondù mbivìlia ìkwasya “veva nùtùtetheeasya wonzunì witù: nùndù

tùtyìsì kùvoya tondù twailwe; ìndì ùla veva mweene nùtùvoyeaa na kùluma kùtaweteka.” (Alomi 8:26). Athaùki ma mathaù maasa ma kùsemba matiyùmbanasya kwa ìvìnda ìnìni ta ndafìka ìndì meyùmbanasya kwa masaa maingì nì kana kùvikìlia iwango sya yìlù na kùandikìthya ùsìndì mùnene. Ùmùnthì ithiwa ta ùmwe.

## ÙNEENI WA WATHANI

**Nìsìsìtye wìto wakwa. Nìsemba ùsembi wakwa na ùì. Kùthùkùma Ngai kwakwa nì kwa ìvìnda yonthe, na ùndù ùngì w'onthe ona wìva nì ìtìna! Ndaianì ya Ngai, Amenì.**

## ÙELEKAN'YO WA MAANDÌKO

Meko ma atùmwa 20:24

## MÌTHENYA 365 YA KÙSOMA MBIVILIA

Mùsoa wa ùmùnthì: Mathayo27, Maliko 15



**Luka 18:1**

**Amatavya ngelekan'yo mamanye ni mailwe ni kùvoya mithenya yonthe, mateùleela;**

Mboya fi kwa ùndù wa kùmanyithya Ngai indi ni kwa ùndù wa kwiyaaka we mweene. Ona kwithiwa motalo ma nthi ni kila mwii wi thayù, ùtalo wa Ngai wina kivathùkan'yo. Ngai atalaa masoko na nthi kwianana na andù ala mavoyaa isioni isu. Nthini wa kilio ki andù milioni ikùmi, ethiwa andù milioni imwe nimo mavoyaa, kwianana na Ngai, kilio kiu ki andù milioni imwe, fi milioni ikùmi.

Mùsoani wa ùmùnthi, Ngai niwiyaiiaca andù ùndù mailwe ni kwika. Ìvùkùni ya mathayo 26:40, Mwiai Yesù anenganite ivinda yila inini viù ya kùvoya kwithiwa

isaa yimwe.

Ni ivinda ya kwongela ivinda ya mboya kuma ndatika itano kùthi ndatika miongo itatu na indi kùvikiiia isaa yimwe. Ùndù wa vata mboyani ni kwiyaaka we mweene, ona ethiwa wiiw'a ata, vindiiisya mboyani mùvaka ùkwate ùsùngio mwianù. Ìkia kithito mwakani ùù wa yiia na ùki wa nzùki; ùsùngio ni mùnengane na thayù waku na mùsyi waku ni mùsùviiiku!

## **ÛNEENI WA WATHANI**

**Mea makwa ma mboya nimongeleku na nimongeletwe kiwango kùvikiiia yila naneena mavinda nimalyùkaa, isyitwani inene ya Yesù! Amenì.**

### **ÛELEKANY'O WA MAANDIKO**

Aveso 6:18

### **MÌTHENYA 365 YA KÙSOMA MBIVILIA**

Mùsoa wa ùmùnthi: Luka 23, yoana 18-19



**Kuma 3:17**

**Nakwa nìnenete atii, ngamumya monyamaoni ma misili, na kùmùvikya nthi ya mùkanaani, na mùifiti, na mùamoli, na mùvelisi, na mùivi, na mùyevùsi, o nthi yùsuite ìia na ùkì wa nzùkì.**

Athani maw'o mekalaa mbingiloni sya wonany'o na miiyo ya wathani, withiwe mùio ùsu ni mùnyù, kana visa, kana maùta, kana kiw'ù, kana ìsoa, kana ùkì wa nzùkì, kana ìia... ùù ni mwaka wa ìia na ùkì wa nzùkì wonany'o wa mùyo ùla thayù waku wathaniwe kwithiwa naw'o mwakani wa 2024.

Ngai aneena, nùmisisiiasya ndeto yake kùmianisya. Ndeto ii sya wathani syambiia kwiania o ivindani yila syaneeniwe, kwa ùu syikie ngooni! Ùw'o wa ndeto sya Ngai mwakani ùù ndùkavalùka ìndi

ùkeania.

Ùkanganì mùtuni, syana sya isilaeli, syiendee kùyya ìlù wa kùtùngwa ìngi misili, syoonie kyama kinene: Ngai atyaan'ya ùkanga mùtuni na mithyùmù ya manyùù make. Ùkanganì ùsu o ta ùndù wi ivindani ya ùkanga, ndùkanangwa, ùkùsi waku ni mùnene na wa ùsindi isyitwani ìnene ya Yesù!

## ÙNEENI WA WATHANI

**Ningùtana kwì tene nùndù wa ùsindi wakwa, nùndù nìnisì kyama syakwa nìsyaùma mokonì ma Ngai. Kìkeeyonan'ya mwakani ùù wa ìia na ùkì wa nzùkì! Amen.**

## ÙELEKAN'YO WA MAANDÌKO

Kuma 6:6

## MÌTHENYA 365 YA KÙSOMA MBIVILIA

Mùsoa wa ùmùnthi: Mathayo 28, Maliko 16



**Yakovo 5:17**

**Eliya aì mùndù wa mwikalile ùmwe naitù, na avoya na kithingiisyo mbùà ndikaue , na mbua ndyaava iùlù wa nthi ìvinda ya myaka itatù na myei thanthatù.**

Ni ùndù ùte wa kùikika kana aklisto aingì nimosete thayù kwianana na syìndù ìla monaa na methò ma nyama matesi kana thayù ni wa kiiweva. Woo-sa thayù na ùvùthù ùkeethiawa mùndù wa ùmanyi mùvuthù. Ni ùu.ìndi ethiwa wendi waku ni kùmùtanithya Ngai, ùkeethiwa na mea ma syìndù sya veva. Mùndù wina mea ndethiawa na masa ana ndatika sya mboya; mavoyaa ìvinda yonthe na kithyomo. Matieleeka kwa methoma mwii nùndù wendi woo ni kwikala nthini wa veva iinda yonthe.

Eka mea maku meathiawe ni kwondù wa syìndù sya veva ìndi ti kùtati-ka ni mawendi ma mwii, na ùkisinda motato kwa uvoya na kùvinga.

Andù ma mboya ni andù ma mea ma kwika wendi wa Ngai. Yii ni ìvinda ya kùkilya ùklisto waku kuma ngùini na kùthengeea Ngai na mea manene nthini wakù na thayù waku kwosa nzia nzeo mwakani ùù wa ìia na ùki wa nzùki.

## **ÙNEENI WA WATHANI**

**Ùndù ùla nìkaa, ùla nìneenaa, na ùndù nìkalaa nì wonan'yo wa mea makwa ma kùmùthùkùma Ngai mùvaka kwisiwa kwa ìkanisa! Amenì.**

## **ÙELEKAN'YO WA MAANDÌKO**

1 Asùmbì 17:1

## **MÌTHENYA 365 YA KÙSOMA MBIVILIA**

Mùsoa wa ùmùnthi: Luka 24, yoana 20-21



**Luka 5:4**

**Na amina ùneena, amwìà simoni, twaa ngalawa vala ve kyùngù, mùlikye itei syenyu nìkana mùkwatye.**

Mùoa wa ùmùnthì wiasya theesya itei o ìngì na ti kitei! Ndùkaithiwe na mbanjeti ya mbesa, ìthiawa na mbanjeti ya mùkìio. Tùsisye thayù na tùyieka kùsisya ùndù nthì ya mbesa ìthùkùmaa.

Akùni ma viasala maw'o mambiia viasala mate na mbesa! Ta kana ka Ngai kena mùkìio wa ùngai mbesa nìsyaile kùmanya mùvuko waku. Ìvìndani yìi ya mùminùkìyo, vata mùnene nì kùmitavan'ya ndeto nthì syonthe. O na kwithiwa ùvoo mùseo fì wa kùthoow'a nzia sya kùtavananya nìsyenda ùthùkùmi wa mbesa.

Aklisto nìmailite kwithiwa na mosoaniò ma kùthi na mbee, enda ùtandithyani kana ndùnyù kwa ùndù wa kùtandithya na viasala sya kwongela nzia sya umo wa mbesa na ùimisumbika nthì. Mùmo nì mwingì wa kùua ìtheke, lika ùtandithyani wì kivathùkan'yo na ùisyoka wa kùkovethan'ya ìndì ti wa kùkova!

Ùkìlya mùkìio waku kìwanganì kìngì ùimanya kana Ngai ena nzia mbìngì sya kùete mbesa akaondinì syaku. Kwa ùu theesya itei syaku kwa ùkwati mùnene mwakanì ùù wa ìia na ùkì wa nzùkì

## ÙNEENI WA WATHANI

**Nì ìvìnda yakwa, ìvìnda ya kwìyonan'ya ndaìani ya Ngai. Nìùlùka ta ndiù, ngiyùmbanìsya kìla ivuso ya mbesa syìna kìtu-mi na mùvango! Amenì. .**

### ÙELEKAN'YO WA MAANDÌKO

Yoana 21:6

### MÌTHENYA 365 YA KÙSOMA MBIVILIA

Mùsoa wa ùmùnthì: meko ma atùmwa 1-3



**Isaia 40:31**

Indi ala mamweteelaa Yeova makeevwa vinya woo; makambata na nthwau ta ndiu; makasemba, na maikano; makatambuka, na maikanyala.

Ve kundu thayu waku utekala. Yila ndiu yakwata nzoka, nimanaya kana nzoka isembaa muno nthi nyumu. Ukumba wa nzoka nthi nyumu withiawa munene na kau mwingi na ti undu wi laisi kumikwata muthangani. Kwa uu ndiu amyukilasya yayani vandu vala nzeve ni nini kwa nyamu ingi na vala itatonya kwianiwa. Kwa kavinda kanini nzoka nikusaa me ku yiulu ndu wa kukosa nzeve mbee wa ndiu itenasyoka nthi nyumu.

Ni ivinda ya kutwaa nzia syaku sya thayu kiwangoni kingi. Twa thayu waku wa mboya kiwangoni kingi, twa uthukumi waku kiwangoni kingi, na ukysa kvinga na kithi-to kinene. Muvate mumaiitha nzeve kwa umya waku na ukikala na kielelo kwa undu wa ndaia ya Ngai

## UNEENI WA WATHANI

Ngambata na nthwau ta ndiu, ngiuluka na nthwau vaasa na kusindwa. Nina alaika wiani uu, ngambata iulu wa mavinda isyitwani inene ya Yesu. Amen.

### UELEKAN'YO WA MAANDIKO

2 Akolinto 4:8

### MITHENYA 365 YA KUSOMA MBIVILIA

Musa wa umunthi: Meko ma atumwa 4-6



**Mathayo 13:11**

**Nake asùngia, amea, inyw'ì m̀nengengetwe k̀mánya nzama sya ùsumbì wa itu, ìndi mo maiaanengwa.**

Undù ùmwe wa ngalì sya k̀wango ni ùtonyi wa k̀vìndùà vinya lelùnì. Ngali isu ivìndùà ùmo wa vinya vate thina kuma k̀tùmia maùta ma vetololi na k̀tùmia mbetili kana viny awa sua. Ona kwìthìwa kwì ngalì sya maùta na ìngi sya vinya wa sitima, ngalì sya k̀wango itùmiaa syonthe.

Wi mùndù veva ùla wikalaa mwìini wa nyama wina thayù. Wi kyùmbe sya k̀wango kingi k̀tonya kwìkala nthi ili. Ethìwa kila ùkwona na k̀vìfila nthini wa mwì k̀yiuthukuma, ethìwa vati wongeleku wiani waku, ùma methònì ma nyama, lika nthini wa nthi ya veva.

Kila k̀yiaiaa nthi ti sya ùkwiyiaia. Wikalaa na miao ìngi mivathùle. Niki? Nùndù wì kyùmbe kya k̀wango kingi na ùtonyi wa kwìvìndùà k̀ma nthi ili, kuma ya mwì k̀thi ya veva. Nì ìvinda ìviku ya k̀eka k̀tavya Ngai ìlù wa ìvinda yiu yumu; ìndi k̀tavya ìvinda yiu yumu ìlù wa ùnene wa Ngai waku mwakani ùù wa ìia na ùki wa nzùki

## **ÙNEENI WA WATHANI**

**Yila mùmaitha woona ta ùkùsinda nthini wa nthi ìla yonekaa na metho ma nyama, ngavìndùkaa na k̀lika nthini wa veva vala ùsindi wakwa ùtasindawa, ìsyitwani ya Yesù. Ameni.**

### **ÙELEKAN'YO WA MAANDÌKO**

Luka 8:10

### **MÌTHENYA 365 YA K̀SOMA MBIVILIA**

Mùsoa wa ùmùnthi: meko ma atùmwa 7-8



**Mathayo 6:22**

**Taa wa mwii nì itho: ethiwa ìndi itho yaku nì ìseo, mwii waku w'onthe ùkausùà kyeni.**

Nì ùndù wa vata kùelewa kana itho niyo ndilisyà ya veva na thayù. Kila wonaa nìsyo syùkilasya mwanya waku. Kila kítongoesya matambya maku nì itho, kwa ùu wonaa kyaù? Niwiyonaa ta mùtwiiki wa ùthùmi kwa ùmya? Mùtavanya mùnene wa ndeto? Kana mùtandithya mùnene? Eliya nìwee- ie Elisa wambona thi. Eliya ndawetaa kwoneka na metho ma nyama ìndi metho ma veva.

Metho maku nikùete syìndù kuma vevani mbee wa kwiyona'ya methoni ma nyama nùndù metho maendaa mbee na kwona syìndù vevani. Ava-

laamu nìwatw'ikìthiwe ìthe wa nthì nùndù niwoonie. Miio ìla yì vinya mùno Ngai ùtùmiaa na satani ùtùmiaa nì metho maku!

Ùseo wa ndiù nì ùtonyi wa kwona vaasa; ndiù yonaa vaasa mala nyaanya kwa metho ma andù . ambiia kwon ana metho ma veva. Ethiwa no wone, no ùkwate. Ona ùvosyo mwiiini waku, mùtwaanoni waku, ùkwatini waku, viasalani waku na wiani waku na kwa ùw'o ki ùkakwata.

## ÙNEENI WA WATHANI

**Nonaa thayù wa wingì na na wianu. Kùkilw'a nì kwakwa. Mbe-  
sa nìsyùkìte kwakwa ooyu! Nìona ùthwii mùnene ùkìte kwak-  
wa, ìsyitwani ya Yesù. Ataiwe mwia!**

## ÙELEKAN'YO WA MAANDÌKO

Luka 11:34

## MÌTHENYA 365 YA KÙSOMA MBIVILIA

Mùsoa wa ùmùnthi : meko ma atùmwa 9-10



**Ovatia 1:17**

Ìndì kiiṁanì kya saionì kùkeethiwa ala makvonoka, nakyo kikeethiwa kithu;- na nyumba ya Yakovo ikamesya ng'undù syoo.

Savali ya kuma misili yakuie mithenya miongo ina. Ìndì syana sya isilaeli syakuie myaka miongo ina kwanganga weùnì. Nonaa andù makyanganga na mayisa kùkila moko mathei, ìndì Yosua aumie kwanganganì na kùthi kùkwata. Kùthi kwake kwai na matunda na kùthi na mbee.

Yosua ndaitikilya makosa ma tene kùvinganisya kieleelo syake. Aina ukumbaù wa kwosa nthi ya wathani. Eka kieleelo syaku sya kwiana kiiweva kùkalulutisw'e.

Ùmùnthì, niathana Kwaku kana ùmanthi waku wina ùsyao. Vitii waku ndùkaütia moko mathei. Ndùkethiwa mwangangi thayùnì waku wa ùnì. Ndùkatalwa vamwe nao ala maaie thayùnì woo. Nineena oyu ùtonyini wa veva; mavinda ma kwanganga vate ùkwati nìmathelu! Kùma ooyu, ùmanthi waku ùkasyaa matunda na kwonan'yia ùkùsìio. Wathani waku nùkwikika mwakani ùù wa iia na ùki wa nzùki!

## ÙNEENI WA WATHANI

Ninimikilitye nthi vinya, na ninosete ùthwii wakwa, ndikanyivwa ivinda yingì nongì thayùnì wakwa. Vala angì manyamaa, nivo ùsindi wakwa wiì. Nì mùklisto wa wonany'o wa matunda usùitwe nì vinya na ùtonyi! Ataiwe Ngai! Ameni.

### ÙELEKAN'YO WA MAANDÌKO

Savulì 69:35

### MÌTHENYA 365 YA KÙSOMA MBIVILIA

Mùsoa wa ùmùnthì: meko ma atùmwa 11-12



**Yosua 2:1**

**Na Yosua mwana wa Nùni atùma andù elì kuma sitimu na kimbithi mathiane, akìmea, Endai, mùsisye nthì, ya Yeliko. Na mathi, na malika nyumba ya ilwaya yìla syitwa yayo yeetawa Laavi, na makoma vo.**

Mbìw'e na mbìw'e nesa: ùù nì mwaka wa ìia na ùkì wa nzùkì ùla Ngai ùtùnete. Tì kùvítùkan'ya; wathani nì umítw'e na wìna vat awa kùthi kaùni naw'o! wathani nì mùio wa kaù wailítw'e nì kùùtùmia kaùni! Wekala na wathani ùteùtumia mùmaitha nùkwangany'a thayù waku.

Ùmùnthi nì ngwathana kana ndùka-valùka vala maìthe maku mavalùkile. Ndùkasiìwa vala maìthe maku masiìwe. Ndùkanyivw'a vala ala maendie

mbee waku manyivisw'e. ndùkavifila mbingilo ila maìthe maku mavitìlile. Ndùkeka mavityo ala maùngamisye ala me mbee waku kùlea kwianisya kila Ngai wendaa meanisye. Kila syaùngamisye angi kiiika-kùùngamya.

Wi mwanangi wa walan'yo, mwanangi wa ithimi, mùkìlany'a wa lainì, mùvetangi wa ìima, mùkìtì wa kìiveva! Asya ùù na wasya mùnene, "nì wa mbai ìla ikeanisya kila ala me mbee wakwa mataaìanisya".Ameni!

## **ÙNEENI WA WATHANI**

**Niìw'a thayù wa ìia na ùkì wa nzùkì kùma ooyu na tene! Neeyonan'ya, alaika nimeyonanasya; naneena ninonaa ùw'o wa ndeto syakwa. Thayù wakwa usùitwe nì wonan'yo wa ùkùsì kwa ndaia ya Ngai!Ameni.**

## **ÙELEKAN'YO WA MAANDÌKO**

Yakovo 2:25

## **MÌTHENYA 365 YA KÙSOMA MBIVILIA**

Mùsoa wa ùmùnthi: meko ma atùmwa 13-14



**Aevelania 13:15**

**Kwondù wake ìndi tùmùthembeae Ngai nthembo ya ndaia mavinda onthe, nayo, ni ùsyao wa ilomo situ ila syumbùlaa syitwa yake.**

Ûthaiithi witù, matunda ma ilomo syitù, ni nthembo. Ûtaio na ùthaiithi wambiia kwa ivinda na ndwailwe ni kùthela. Niwaille ni kùendeeza nùndù kùthaiitha Ngai ni ùndù wa kùendeeza.

Mbiviliani, Ndaviti ai mùthaiithi mùnene ùla weesi kùkiita ngoo ya Ngai mùvaka Ngai asya kana ngoo yake yi vamwe na ndaviti. Ûthaiithi ùthokasya Ngai vala ùi, ndeto yaasyaa kana Ngai ekalaa nthini wa utaiò wa andù make.

Ûseo wa ùthaiithi ni kana ùkùetae vakuvi na Ngai na ùtiw'a mùfia wa ngoo

yake. Ûithaiitha Ngai, ekalaa nthini wa ngoo yakù. Ûithaiitha Ngai mavata nimeaniaw'a. mawiko ma kiiveva mekikaa Ngai athaiithwa na ataiwa: nthembo ya ilomo syaku yambata, nao ùathimo wa Ngai nùtheea.

Ûthaiithi ùlikaa ngooni ya Ngai na kwosa mwanya ùtoswa ni kyùmbe kingi. Endeeza kùthaiitha na kùnenevya isyitwa ya Ngai na mathina maku makathe isyitwani ìnene ya Yesù.

## **ÛNEENI WA WATHANI**

**Ngamùtaia na kùmùthaiitha Ngai na thayù wakwa w'onthe, na mùthyùmu wakwa w'onthe, na mwii wakwa w'onthe! Ataiwe mwiai! Amenì.**

### **ÛELEKAN'YO WA MAANDIKO**

Savùli 119:108

### **MÌTHENYA 365 YA KÙSOMA MBIVILIA**

Mùsoa wa ùmùnthi: Yakovos



**1 Akolintho 15:57**

**Ìndi mùvea nìwìthìwe kwa Ngai, ùla ùtùnengae kùkilya kwondù wa mwaii waitù Yesù klìsto.**

Ûtonyi wa ùklìsto wonekanaa vinyani, na vinya ùsu nìw'ò kivathùkan'yo. Ùklìsto fi ndini ìndi nì unyanya na Ngai. Ndini nì kieleelo sya kùmùvikia Ngai nùndù wa wi'a wa ùthatu wake. Ùu nì kivathùkan'yo na ùklìsto nùndù ithyì aklisto nìtwìsì Ngai ùla tùthaithea nì wa wendo, nì wa kùtùùnga na nì wa tei, ùla vinyani wake nìwavikiie mùndù. Ìla twai avitan'ya, Klìsto nìwakwie kwondù witù. Nì wendo mùnenen kwìthiwa ana-a-sa na Ngai Asa atwifite kwìthiwa syana.

Wì mwana wa Ngai, ùsyaitwe nì veva, fi wendi wa mùndù kana wendi wa mwii, ìndi kwa wendi wa Veva Mùtheu. Kiu nìsyo kivathùkan'yo kila kikùvula. Wì kyùmbe kyeù kùù ìlùlù wa nthì ìndi ndwì wa nthì. Wì wa umo ùngì ùla walanansya miao ya w'ò kùù ìlùlù wa nthì. Ndw'ì wa kwikala thayù wa ùnyamao na thina ìndi thayù wa ùsumbì, vinya na kwailw'a

Ìkalaa thayù waku ta mùsindi na thayù wa wendeesyò. Wì wa nyùm-ba ya ùsindi; ìkala ta ùmwe mwakanì ùù wa ìia na ùkì wa nzùkì

## ÛNEENI WA WATHANI

**Nikinyaa, na kùneena, na kùthi, na kwìthiwa na thayù wak-wa nthini wa Klìsto Yesu! Vafi kìndu ngosete na vafi kìndù ndemùnge. Nìnùsìe nthini wa Yesù! Amen**

### ÛELEKAN'YO WA MAANDÌKO

Alomi 8:37

### MÌTHENYA 365 YA KÙSOMA MBIVILIA

Mùsoa wa ùmùnthi: meko ma atùmwa 15-16



**Aeveso 1:13**

**Na nthini wake o nenyu, mweew'a ndeto ya ùla w'o, nayo ni ùvoo mùseo wa ùtangiio wenyu, -nake, mwa mwifiki-la, ni mweekiwe ùsilo, naw'o ni Veva Mùtheu ùla wathaniwe,**

Yila mwathani Samùeli wamwitikiisye Ndaviti mauta kwithiwa mùsumbi wa isilaeli, Veva wa Ngai niwookie iùlù wa Ndaviti (1 Samueli 16:1-13). Nthini wa ùtianiò mweù, Veva wa Ngai ni ùeleetw'e ta veva ùla twikiitwe ùsilo naw'o mùvaka mùthenya wa ùthasyo (Aeveso 4:30). Kwa ou, Ndaviti etikiisw'e mauta kwithiwa mùsumbi na veva ùla twikiitwe ùsilo naw'o waleky-wa iùlù wake. Ndaosa mauta ma ùsumbi moka indi ona ùsilo ùla watu-maa atasindwa.

Ndùkakie. Ndùkasye too nùndù wa ùsesengi wa mùmaitha. Ndùkat-eve nùndù wa mawiko ma ndevili. Viasala waku nimwikie ùsilo, wia waku nimwikie ùsilo, syana syaku nimbikie ùsilo, ùkwati waku nimwikie ùsilo, ùthùkùmi waku nimwikie ùsilo, mùsyi waku nimwikie ùsilo, na thayù waku nimwikie ùsilo! Nùndù ùla mwana wa Ngai wathasya nimùthasye kwa w'o ki!

Ngai nùkwisi; isyitwa yaku niyandikitwe itaanì sya moko make, wi nzeveni yake. Vai kindù kikakùùmisyà ka kùete mùsyo. Kwa ou, mùie satani kùsembani na ùkwithiwa na ùtanù mùnene nùndù wì mwikie ùsilo! Ataiwe Mwiai!

## ÙNEENI WA WATHANI

**Thayù ùla yu nikalaa wì nthini wa Klìsto, wìkiitwe ùsilo wa Veva Mùtheu; ndithingithika; ndi mùvangoni wa kikw'ù! Amenì.**

### ÙLEKANY'O WA MAANDIKO

Akalatia 3:14

### MÌTHENYA 365 YA KÙSOMA MBIVILIA

Mùsoa wa ùmùnthi: Akalatia 1-3



**Avilivi 4:6**

**Mùikemakìe kwa ùndù ona wìva; ìndì kila ùndùni mavata menyu nìmata-vanw'e kwa Ngai na kùvoya na kwisùva vamwe na kùtùnga mùvea.**

Wienda miio yina kieleelo ìla ùkùvoya. Lilikana kana mboya ti kùmanyithya Ngai, ìndì nì kwiyaka. Nìwailwe nì kùmanya kana mboya nìyendaa mùvango. Kùkw'a ngoo kùkaa mboyani nì kùkosa mùvango.

Ona ethìwa ùkatongew'a nì veva nùkwenda kùmanya kwivanga mboyani. Ikulye nì kyaù ùkwenda mboyani ìsu. Vanga mavata maku nesa nì kana maùsùngìo mooka ùmanyè kana nùsùngìiwe.

Mavinda angì, nìwailwe nì kùvinga ùendee na mboya. Ùthùkùmi wì wia mwingì, na nùkwenda viny awa mboya na kùtia kùya kwa ùndù wa kùthùkùma wia ùsu.

Mboya na mùikìio nìsiyendanasya, kwa ou ìla ùkùvoyea ngali ìsu, nyùmba ìsu, wia ùsu kana mùtwaano ùsu ìthìwa na mùikìio wa ùngai ùla ùùkùtonyethya ùkwata kila wavoyea. Mboya yìetae kitindo kina ùthwii na veva mùtheu, kwa ùu ìthìwa wìsi kana Ngai nùkùneena naku mboyani

## **ÙNEENI WA WATHANI**

**Navoya ìtu nìyimbìw'aa. Nìungama makomanìoni ma ùngai na kùmundù na nditùmia vinya na ùsumbìko kwìsila mboya ìsyitwani ìnene ya Yesù !Ameni.**

### **ÙELEKAN'YO WA MAANDÌKO**

Ndaniel 6:10

### **MÌTHENYA 365 YA KÙSOMA MBIVILIA**

Mùsoa wa ùmùnthi: Akalatia 4-6



**1 Akolintho 15:4**

**Na nìwathikiwe; na kana nìwathayùkiw'e mùthenya wa katatù kwiana na maandiko**

Ona kwithiwa kwai na nganio mbingi ìlù wa ùmo wake, Yesù endaa o matukù atatù kùmamanyithya amaita make kana we ni Ngai; o matukù atatù nimo Yesù wendaa kwonany'a kivathùkany'o sya ùngai wake na mwii wake wa mùndù na eekie ou na nzia ya ùsen'yo mùnene.

Kyama syonthe ila Yesù weekie syi-yeante kwonan'ya ùtonyi wake mùthenyani ùsu mùvaka Yesù ambwa, na akw'a, na athayùka ìngi, kwa ivinda ya matukù atatù na ìndi maikii kana aì mesia.

Yesù nìwatùlilye kìwango ìlù mùno. Kìwango sya kwonany'a we nìwe ùù syai kindù kitaoneka ìngi. mùndù nùkusaa na ùngi akamùthayùsya ìndi kùfi ùmwe waathayùka eweka!

Aklisto aingi mativangaa ìlù mùno na mailea ùkwata; mavangaa nthi mùno na maikwata! Ìmanyisye kwithimia ìlù mùno thayùni. Ìthimie ìlù mùno kwa ùndù wa mùsyi waku, ùthùkùmi waku, syana syaku, ùkwati waku, na wia waku. Ngai evo kùthonoka ùndù ùùmwenda. Nì Ngai wa wianu na makùmbi mausùuite ki! Mùikii na akeeka!

## ÙNEENI WA WATHANI

**Nìthimiiite ìlù nì kana kwosa mùthinzio wa kìwango kya ìlù wa wito wakwa. Nthini wa ùù ngasinda! Ameni.**

### ÙELEKANY'O WA MAANDIKO

osea 6:2

### MÌTHENYA 365 YA KÙSOMA MBIVILIA

Mùsoa wa ùmùnthi: meko ma atùmwa 17



**Yoana 1:1**

**Mwambìlilyonì kwai Ndetò, na ìla Ndetò yai vamwe na Ngai, na ìla Ndetò yai Ngai**

Kila syama kikonanaw'a na ndeto ya Ngai! Yila twatavan'ya ndeto ya Ngai, ti kùmitavan'ya tù kwa ùndù wa kùmitavan'ya ìndì nì kwonan'ya vinya wa ndeto yake

Ndevili ndatonya kwitw'a mùmaitha wa Ngai nùndù Ngai nì mùnene mùno. Nde amaitha o tondù savùli 110:1, ikwasya "Yeova emwia Mwaii wakwa, ikala nthi ngali ya kw'oko kwa aùme kwakwa, mùvaka natw'a amaitha maku kavila ka nyaii syaku.

Ùthùkùmaa Ngai mùnene ùla ùtonya ùkùathima ìvinda yonthe! Nùkwikika

ooyu, o na ùendee na kùsoma ùvoo ùù wa wathani ùmùnthi! Ngai aneenie na wasyoka ùu. Asya, "nikwithiwe kyeni!" na kweethiwa ou. Kwa ùu nìneena kùkilw'a thayùni waku! Ìthiwa na mùsamo ùù wì mùyo wa ìia na ùki wa nzùki ooyu ìsyitwani ìnene ya Yesù, ameni!

## ÙNEENI WA WATHANI

**Nì mwiki wa ndeto. Ùtanu wakwa ùmaa ndetonì ya Ngai nùndù nìnisì ndeto nìthùkùmaa! Nìikala ndetonì, na nìuka na maùndù ma kùkùsiia! Ataiwe Mwaii! Amenì**

### ÙELEKAN'YO WA MAANDÌKO

1 Yoana 1:1-2

### MÌTHENYA 365 YA KÙSOMA MBIVILIA

Mùsoa wa ùmùnthi: 1 & 2 Athesalonika



**Savuli 42:1**

**O fondù ndaatai ìvèvavevaa ìkìmantha fùlùsì twa manzi, No ta ùu thayù wak-wa ùvèvavevaa ùkìùmantha, we Ngai .**

Kùendee na nì kùthima kwa ùseo kana ùthùku nthini wa itulumo sya veva. ùtaalamu mwingi ùla ùkìte ndevili nùtùmìaa kwianìsya mìvango yake. Kwa ùu ìvìndani yìi ya mùminùkìlyo , nìwa`ìlitwe nìkwìthiwa na mea ma Kwenda Ngai.

Mea nìmaatìanìaa na kithing`iisyo. Mboya yaku kila mùthenya yaillite kwìthiwa, Mwaii osa kila kindù: na ùinenga mea maku! Kila wina mea masyo kyonanansya kiwango sya mea maku. Ìthiwa na mea ma syìndù sya Ngai, ìthiwa na mea ma ùthùkùmi, na mea ma ùvoo wa ùtangìo.

Kila ùùngamìtwe kwika wina vinya ìlùlù wasyo. Yìla mea maku ma syìndu sya vevani mongeleka wìthiwa mùndù wì mwaki na wa kaù! Ùmya kaù nthini wa nthi ìno yonekaa na metho ùtwae nthini wa veva. Ndùkonze mboyanì na ùthùkùmìni waku. Ìthiwa ùmwe wa ala Ngai eùtùmìaa kwika maùndù ìvìndani yìi ya mùminùkìlyo, na kùkilw`a Kwaku kùkeethiwa kwa kwoneka!

## ÙNEENI WA WATHANI

**Mea ma Ngai nìmambusùite, na nìmùthoosye kwa Yesù. Thayù wakwa nthini wa Klisto nì usùitwe nì ùtanu na mùuo. Ngakùsìaa ìsyìtwani ìnene ya Yesù! Amenì!**

## ÙELEKAN`YO WA MAANDÌKO

savuli 119:20

## MÌTHENYA 365 YA KÙSOMA MBIVILIA

Mùsoa wa ùmùnthì : meko ma atumwa 18-19



**1 Yoana 5:4**

**Nùndù o kila kìsyaitwe nì Ngai nìkìlasya nthì vinya; na kila kìkìlasya nthì vinya, nì mùkìiò wìtù.**

Syokeleela ùù vala ùi ooyu: Nìsyaitwe nì Ngai; nìnikìlitye vinya. Ùneeni wakwa nùkìlitye mosoanio mathùku vinya. Thayù wakwa nthini wa Klisto nì wa kwendeesya. Kùnyiviwa kwì vaasa nakwa. Nì mùsindi, ndìwa kùsindwa, na nìkalaa thayù wa ùathimo wa tene na tene! Ataìwe Mwiaii!

Nùkwona, mbivilia ti ivuku ya ndini. Nì ùw'o thayùni waku. Nìsyò kitumi nasyaa, tanaì ndeto nìthùkùmaa! Thayù waku wailite kwonan'ya maùathimo ma tene na tene nthini wa Klisto. Mbio syaku nìsyaile kùthùkùma nesa. Ngoo yaku nìyaile kùsukuma nthakame nesa.

Metho maku nìmaile kwona kwa utheu; mayùmbitwe kùvaluka. Kila ìmutha yaku nìyaile kwianìsya ndeto ya Ngai. Viasala waku no mùvaka ùendee. Mbesa no mùvaka syùke kùla ùi kwa kwiyiaa Kwaku. Ùkyà ti ùmbo waku.

Ùvoo mùseo ùla tùtavanansya ùkumasya ùkyani ùkaùtwaa ùthwiini. Ùw'o wa kana nùùsoma vaa ùmùnthi nì wonan'yo wa ùndù mùseo ùkwikika Kwaku. Nùkwìthiwa na ùvìndùku mùnene, kwa ùu tana mùno!

## ÙNEENI WA WATHANI

**Nìsyaitwe nì Ngai, na ndìkasindwa. Nì mùsindi, nùndù kùsinda nì ùndù ùka nìkaa Amen.**

## ÙELEKAN'YO WA MAANDÌKO

1 Yoana 4:4

## MÌTHENYA 365 YA KÙSOMA MBIVILIA

Mùsoa wa ùmùnthi: 1 Akolintho 1-4



**Nthimo 10:15**

**Syindù sya mündù mùthwii nì ndua yake yì vinya: wanangiko wa ngya nì ùkya woo.**

Andù aingi na muno Aklisto, nimethiawa na mosoanio ma kivathùkan'yo ìla vawetwa mbesa na ùthwii. Tata na vinya kùelewa kana ùkya nì mùio! Ùkya ùkaa kùaa andù, ìndi yìla ùkya wooka kwa athwii, matùmiaa mbesa kùlùngya ùkya. Ìndi yìla ùkya wooka kwa ngya, vatì mbesa sya kùvetanga ùkya kwa ùumaundù mathùku nìmaumilaa.

Aklisto amwe nì mavitasya kùkonan'ya ùtheu na ùkya na mwikalo na kùveeka ta ùndù wa tei. Ùù fì mavityo moka ìndi ona ùndù wì mùisyo, kùnyiviwa nì kùtonya kùtuma ùkw'a!

Ta mùklito, ìthiwa na kiliko sya kùmantha na kùkwata mbesa, syonthe kwa ùndù wa kùkwata wia wa Ngai na kùlùngya ùkya mùsyini waku, mùtwaanoni waku, ìkanisani na ndùani. Mbesa nikùnengae ivinda ya kùvoya Ngai. Kwa ùu ìthiwa wiyumbaniftye kùsiila mùmaitha eka na mboya yoka ìndi ona thayù wa kwingiviwa nì kana kwika maundù manene ivindani yìi ya mùminùkilyo isyitwani ya Yesu!

## **ÙNEENI WA WATHANI**

**Ninalea monyamao ma ùkya. Nìisùvia vamwe na mùsyi wakwa kwa kùtùmia mbesa ta ùsùvio. Nìngwosa kwingiviwa kwa ùndù wa kwaiya ùthùkùmi. Mbesa syakwa nì ngathime na nìkalaa wailuni na ùkwati mùnene. Amenii!**

## **ÙELEKAN'YO WA MAANDÌKO**

Nthimo 18:11

## **MÌTHENYA 365 YA KÙSOMA MBÌVÌLA**

Mùsoa wa ùmùnthi: 1 Akolinthoss 5-8



**Avilivi 3:13-14**

**Ana-a-asa, ndikwitala mwene ta nìk-wafite: ìndù ùndù ùù ùmwe nìngwika, ngùlwa nì maùndù ala me ìfina, na ngikoota nìvikie maùndù ala me mbee,**

Ùndù ùmwe ùsìaa andù ma Ngai kùlea kwona ùsyao nì kùlea kùlwa nì maùndù ala mavitie. Mùio ùù wa ndevili nùtu-maa mùndù ekala kyondoni kyusùite maùndù ala mavitie- ala maseo, ala mathùku, ala me ùthyù mùthùku, na ìì ti ùthùku w'oka wavitie ne mùthùku; ona ùseo. Nìngùelesia.

Waakomana na andù matanihaw'a nì maùndù meekie tene? Makiweta maùndù ta, "Neethiawa mùnene!" kana "Nai mùsindi mùnene wa kina na kina myaka mìongo ìì mìvitu." Ùsu nì ùndù mwau? Nì ùndù ùla wavitie ùùkù-

na wia waw'o, waùkutindisya vandù vamwe na kùtuma ùtasonga na mbee

Kuma ùmùnthi, lea kùandùwa nì makosa kana maùndù maseo weekie tene. Eka maùnene o na ya! Ve mùthinziò mùnene mbee, ìndi mbee wambe kùlwa nì maùndù ala me ìfina!

## ÙNEENI WA WATHANI

**Ùvoo wakwa wì vala wailite kwithiwa – maùndùni ala mavitie! Kuma ùmùnthi nìngùmìvikia ngoolu yakwa; ùndù w'onthe wa kùndulya ngoo ndukethiwa ìai yakwa isyitwani ya Yesù! Amen.**

## ÙELEKAN'YO WA MAANDÌKO

Isaia 43:18

## MÌTHENYA 365 YA KÙSOMA MBIVILIA

Mùsoa wa ùmùnthi: Mathayo 19, Maliko 10



**1 Timotheo 3:15**

Ìndi ethia nìikala mùno, naandika nì kana ùmanye `undù andù maile kwiyikalya nyùmbani ya Ngai, nayo nì ìkanisa ya Ngai ùla wì thayù, kitui na wambililyo wa ùla w'o.

Mùsoa ùsu wiasya kana ve mw'ikalo twaile kwithiwa naw'o nyùmbani ya Ngai. Nì ùndù wailwe nì kùatìiw'a nì kila mùklisto. O ta ùndù twitawa asumbi na athembi nìtwaile kwiyikalya ta amwe ala mena Ngai nthini woo.

Ana-a-asa na eitu-a-asa, wekalya na Ngai now'o mea ma maùndù mathùku mathelaa. Niuvindùkaa ùkaeka maùndù ala weekaa tene na ùkatw'ika kyùmbe kyeù! Kuma vau ùkamanya maùndù ala mate maseo, mwikille wa ngù, meko mate maseo,

ùkamanya ùndù wa kùneena na andù, nì ùndù ùkaa kwa kwithiwa nthini wa Klisto.

Kuma ùmùnthì, thangaa mùno ùndù wiyikalasya na ùndù wonanasya Klisto kwa andù angì.

## ÙNEENI WA WATHANI

**Ta mùsumbì na mùthembi wa Ngai ùla wì yìùlù mùno, nìnee-na mwambililyo mweù ùlù wakwa. Ngamwonan'ya Klisto ona mùno mbee. Alleluia!**

### ÙELEKAN'YO WA MAANDÌKO

Alomi 1:9

### MÌTHENYA 365 YA KÙSOMA MBIVILIA

Mùsoa wa ùmùnthì: Akolintho 12-14



Yoana 14:15

Ethiwa nìmùmbendete, mùkakwata miao yakwa.

Wendo ndwi maùndù maingì ta ùndù andù masoaniaa. Nì kwasya atii, wendo nìkwika miw'ile ila uwetaa na ndeto kwa meko.

Kwa Ngai, wonan'yo wa wendo nì kwika ndeto yake; nìkwonan'ya wendo wake, na mwikalo wake. Thayù wake na mùtuo wake nthini waku-ùlùngalu wake nthini waku-ndùtuma wikala ùlùngaluni w'oka indi ona kùùtonyethya kwikala ùlùngaluni

No ùmùtanithye Ngai kila mùthenya vate kùnyamaa. Aingì nìmonaa kùia na kwina mbathi ùvingite ta kùmùtanithya Ngai kana kùmwon'ya Ngai wendo.

Ùw'o kwianana na ndeto nì, kùmika i ndeto; ùsu nì wonan'yo waw'o kana nùmwendete NGAI!

Wilea kùnyuva kwikalaa miaoni ya Ngai na mawathonì make niki? Ùsu nì wonan'yo waw'o kana nìwendete NGAI!

## ÙNEENI WA WATHANI

Niafiiaa kila ndeto yonthe inenganitw'e nì Mwiaii Ngai wakwa ta wonan'yo wa wendo kwake. Miao yake nì thayù kwakwa, na nìmùathime kwitanìw'a nake! Amenì.

## ÙELEKAN'YO WA MAANDÌKO

2 Yoana 1:6

## MÌTHENYA 365 YA KÙSOMA MBIVILIA

Mùsoa wa ùmùnthi: Akolintho 15-16



**Savuli 16:11**

**Ûkambon'ya nzia ya thayù: kùla ùi kwì ùtanu wusùite; kw'okonì Kwaku kwa aùme kwì maùndù ma kwendeesya kùvika tene na tene**

Ûklisto ti ùndù ùito. Otondù isùaniaa-ndùù na Ngai ta ùndù ùte mùsamo!

Kwa sisya o ìngì mùsoani ùsu. Wisya kana wìthianuni wa Ngai nùton-goeaw'a kila nziani yonthe na vati mavityo. Na ùnyanya ùsu ndùvikaa vaù. Ve wingi wa ùtanu na ùthwii ùla wikalaa tene na tene. Kwa ndavye ùndù kwìthiwa na ùnyanya na Ngai kùkosaa mùsamo? Ûkavalùka ata ùmbanoni wa andù athe nùbdù wa ùthwii wa nthi ìno? Ûlwa nì ùthwii wa nthi ùseùvitwe nì mùndù na ndwikalaa na wì mililo mingi. Wìthianu wa Ngai ùsyaa

ùthwii ùtatonya kùweteka, thayù wì mùyo na ùte maùsonio maingì!

Kuma oyù, osa ùthaiithi na Ngai ta ùndù wa vata mbee. Soma maandiko na kithito. Ìthiwa na mavinda ma mboya kila mùthenya na ùkìtania ùthwii ìvindani yìi ya kimisi!

## ÛNEENI WA WATHANI

**Nìtongoesye thayù wì mùsamo nthìnì wa Klisto! Kwasy'a mùsamo, na ùleelu na kùnyiviwa na kùlianilwa kùikethiwa ìmutha yakwa ìsyitani ya Yesù! Amenì.**

### ÛELEKAN'YO WA MAANDIKO

Yovu 36:11

### MÌTHENYA 365 YA KÙSOMA MBIVILIA

Mùsoa wa ùmùnthi: 2 Akolintho 1-4



**1 vetelo 2:9**

Ìndì inywì mwì ùsyao mùnyuve, ùthem-bi wa kùsumbì, mbai nthe, andù make kì, nì kana mwonan'ye moseo manene ma ùla wamwitiie mume kìvìndunì mùlike kyeninì kyake kya ùseng'ya:

Mùsoa ùù wì vinya mùno, ataiwe Ngai! Nìmwìkwona ùndù ùkwasya ana-a-asa na eitu-a-asa? Ìi kwaeka wone: Ngai ookie aikùmantha wee,kwa ìsyitwa, akwithia kafikati wa kìvìndu nì kana akumye kìvìndunì kila kyakùthiùùkìte na aùkusya ngali yak wake- kyeninì kyake! Ìi kwa mumo!

Ùkeethiwa ata ìndì na mwikalo wa andù aingì ethiwa kìvìndu nìsyaumiw'e nthinì waku? Ùwau ùkekala ata nthinì waku, na wikalaa kyeninì kinene kya Ngai? Ndùkethiwe ùmwè wa nthì kwa

kwithiwa ùte wa mùkìiio na mosaniò mate ma mùkìiio. Nìwaaìw'a andù mekwasya kana me kyeninì, ethiwa nìmekalaa thayù wa kìvìndù,asù fimo ma kyenì ìndì nithyì! Kila mùndù wamwosie Mwìaii Yesù Klìsto niwatiie kìvìndu nayu niwikalaa kyeninì kya Ngai

Wìtìw'e kwaiila nthì kyenì kù woosie kwa Klìsto! Eka ùu ùmùnthì!

## ÙNEENI WA WATHANI

Nìkalaa kyeninì sya wendeesyo sya Ngai na nìsyo kìndwìkìthasya kyùmbe kì kìvathùkan'yo. Ùmùnthì nì wakwa wa kùsinda, na ndìkwìfikìla ùndù ùngì eka ÙSINDI! Amen.

## ÙELEKAN'YO WA MAANDÌKO

Avilivi 2:15-16

## MÌTHENYA 365 YA KÙSOMA MBIVILIA

Mùsoa wa ùmùnthì : 2 Akolintho 5-9



**Aevelania 1:7**

**Na ùvoo wa alaika easya, ùla ùtusaa alaika make iseve, na athùkùmi make kítwìkì kya mwaki:**

Ve kìwango ùvikaa ta mùklisto, vala ùteyiaiaa mwaki, ùkita a kùthosya mwaki na ùisyoka w'o!

Waona ngù a na syindù ikwataa mwaki mitùki? Wasisya kwa ùw'o kì syithiaa syiilye kùkwata mwaki kwa mitùki mùno, kwa kùsisya kwa mbee ùu nùmanyaa kana nì syindù sya mùisyo wa vakuvi. Ùmbo wasyo waw'o wonekaa ìla syaiwa o na kamwakini kanini mùno. Syikwataa mwaki mitùki mbee wa ùndù ùtonya kùùvosya!

Ùù nìw'o ùmbo waw'o wa mùklisto. Ùtwìkìthìtw'e kítw'ìkì sya mwaki! Ìla

ùamùkie ùmùnthì weesisya kìoonì, nokwitha wonie ùtailye mwaki, mùvaka thina wise kumila, ùsyoke mwaki; ndwisa kùsiwa!

Vati kindù kikaùngama kafi wa kwakana Kwaku ùmùnthì. Waseùviw'e kwìthiwa kítwìkì kya mwaki. Kuma ùmùnthì ùù nthì ikonaa ùikena ona mùno mbee kwondù wa klisto!

## ÙNEENI WA WATHANI

**Ngai wakwa nùndwìkìthìye kítùkì kya mwaki; nì ùndù mwaù ndatonya kwika? Nìiyiaa ùmùnthì kana thayù wakwa nì wa kùkena o na mùno mbee na kùmùnenge Ngai ndaia isyitwani ya Yesù! Amen.**

### ÙELEKAN'YO WA MAANDÌKO

Savulì 104:4

### MÌTHENYA 365 YA KÙSOMA MBIVILIA

Mùsoa wa ùmùnthì: 2 Akolintho 10-13



**Osea 4:6**

Andù makwa nìmanangawa nì kwaa ùmanyi: nìkwìthiwa nì waleile ùmanyi, o nakwa ngakùlea, nì kana ndùkethiwe mùthembi kwakwa: nùndù niwùlitwe nì miao ya Ngai waku; o nakwa ngoolwa nisyana syaku.

Ve aklisto me kùsoma vaa ùmùnthi maikìia kana ta syana sya Ngai, makyailite kùnyamaw'a nì satani, ona vala nìmanyamaa mùno kwa ivinda nùndù wa kùùkitwa nì maveva na kùsumbikwa. Nìmaikìia kana makyailite kùwaa, ona vala mafisaa kwìthiwa na ùima wa mwii. Nìmesi mùuo na na ùtanu nì ùtìiwa woo, indì mafitalan'ya ìla maathìwa na too wina mùuo na ùtanu misyini yoo. Aa nì mavìyo manene, ana-a-asa na eitu-a-asa na ùù nìw'o wa kùmavindùaa kwa kùtùmia nzia ili.

Ya mbee, ìthiwa na ùmanyi wa uw'o wa ndeto. Ndùkew'e o kwondù wa kwìw'a kwoka, kana kùsoma o kwondù kwa kùsoma kwoka, nya-maa kwòndù wa kùmielewa! Ya keeli, ethiwa ùneeni waku ndwìthiwa na ndeto ya Ngai, ùla nì wonan'yo wa meko maku, o mitùki ùkoonan'ya kila ki vevani waku. Ndùneena ndeto na ùkikaa mawendi ma mwii. Amwi nìmanyamaa nì kùlea kùmanya maùndù aa mavùthù. Mielewe ndeto na ùkikalaa ndetonì. Ndukethiwe na kamanyio ka kwikaa ùtee na mboya syaku. Ìthiwa na ùi wa ndeto ùmùnthi na ùkikalaa ùndù ndeto ikwasya!

## ÙNEENI WA WATHANI

Kila ùsesengo wa satani ùseùvitwe kwangangya mùkìio wak-wa nì mwanange nì ndeto ya Ngai ìla yì nthìni wakwa ìsyitwani ya Yesù! Nìweekika! Amenì.

## ÙLEKAN'YO WA MAANDÌKO

Yosua 1:8

## MÌTHENYA 365 YA KÙSOMA MBIVILIA

Mùsoa wa ùmùnthi: Alomi 1-3



**Maliko 8:36-37 (KJV)**

**Nùndù mùndù aunwa nì kyaù o na ako-  
sa nthì nim ana akyasya thayù wake?**

Ndeto sya mwiaii yes mùsoani wa ùmùnthì sina vinya mùno. Nì ùndù wa kùmakya kùmanya kana nthì ino ìkaanangwa na ìitùngiwa na ìngì. Nì ata ìndì ùmwe ùkasya thayù wake nùndù wa maùndù mavìfìte? Thayù wa tene na tene na ìthe witù nì ùndù wa kwikala na nì wailu kùùnenge thayù waku.

Nì ata ìndì ìvindani yìi ya mùminùkilyo, otòndù twina ùmanyisyo mwingi na kwithiwa tùtonya ùkwata maandiko aklisto aingì nimeùkùan'ya ùnyanya na Ngai kwa ùnyanya na nai? Sisya mùsoa witù wa ùmùnthì. Nyuva kùlea kwithiwa na kùù kùmwe ùkinyite ìkanisani na

kùngì ùkinyite naini. Ndwiisa kwithiwa kùndù ku kwili ìvindani yimwe.

Ìkala thayù waku na Ngai eweka vate kwivulan'ya. Eka kithito syaku kithiwe kwa ùndù wa kùmitavan'ya ndeto ya Ngai nthì yonthe. Thayù waku wì mùsisoni na wanangìko nì mwingi. Amwì nimeùkengwa na mbano ìseùvitw'e nì andù: maikoka mailyi ta mekwasya thayù. Ìsùvie! Vati kìndu nthì sya kùuna- ìkala na Ngai na Ngai eweka!  
eware! Nothing in this world is worth it – live for God and God alone!

## ÙNEENI WA WATHANI

**Kuma ùmùnthì, niungenane thayù wakwa kwikala thayù ùtanithya Ngai. Mwii wakwa w'onthe nì ùthoetw'e kwake ìsyitwani ya Yesù! Amen.**

### ÙELEKAN'YO WA MAANDÌKO

Mathayo 10:39

### MÌTHANYA 365 YA KÙSOMA MBIVILIA

Mùsoa wa ùmùnthì : Alomi 4-7



**Nthimo 3:5-6**

**Ìkàia yeova na ngoo yakù yonthe, na ndùkekwaye ùmanyi waku mweene: miendeleni yaku yonthe mùkùsiie we, na akaùlùngalilya nzia syaku.**

Vati mùndù wì kyendi sya kwailw'a kwitù ta Ngai. Ùseng'yo ni kana aklis-to aingi ni makàia kùeka Ngai alikilila thayù woo nùndù wa wia wa kwasya wia woo, kana ndoto sya thayù woo, na mùndù angì maingì. Kuma ndetoni ya mùthenya wa ùmùnthì, vati ùndù Ngai ùtonya kwananga kila andù makitaa " mùvango wakwa" kana "wendi wakwa" thayùni woo. Vati mùvango mùseo ethiwa Ngai fiwe ùkùùvanga.

Lilikana Ngai akwendete mbee wa ùndù wiyendete; Ni mùi mbee wa ùndù ùtonya kùiva, na niwe woombie

nthì, ona vamwe naku! Niwisi kila kùndù nthini waku mbee wa ùndù ndùlùvini ìtonya kwona. Na ti kùùmanya kw'oka niwisi nzia sya ùuniko waku. Mùtavye kana nùnyuvite kùtongoew'a niwe. Mùikàie na thayù waku. Ìkala kati wa wendi wake na ndùkethiwa na wasyo. Ìthiwa na ùnyau nthini wa Mwiaii na ngoo yaku yonthe na kiliko syaku na ùkinengane kùla kwì mùvango wake iùlù waku.

## **ÙNEENI WA WATHANI**

**Kila ùndù ngekaa kuma ùmùnthì ùkeethiwa ùndù wa Veva Mùtheu. Thayù wakwa nùkwailw'a kuma ooyu isyitwani ya Yesu! Amen.**

### **ÙELEKAN'YO WA MAANDÌKO**

1 vetelo 2:6

### **MÌTHENYA 365 YA KÙSOMA MBIVILIA**

Mùsoa wa ùmùnthì: Alomi 8-10



**1 Akolintho 6:17**

**Ìndì ùla ùnùthalanw'a na Mwiaìi nì veva ùmwe.**

Nì ùndù ùwetawa mùno kana 'Ngai e vamwe naku' kana "Ngai e vamwe nenyu", ùsu nì ùw'o ìndì ve ùndù ùthonokete ùsu, ùla nì Ngai e NTHÌNÌ waku! Ve kìvathùkan'yo kinene ùneen-inì ùù. Ngai witù anyuvie kùlea kwithiwa vamwe na andù make kana kwithiwa namo, endie mùno mbee kwithiwa nthìnì woo. Kiu nìsyo twakwati kwisila ùndùni wa ndaia nene ya ùtangìio, ùndù mùnene wa wonan'yo wa wendo wa Ngai kwitù. Andù make! Eka ùw'o wake ùkenae vala wii: Ngi ùù mùnene wa ndaia, nthìnì wa withianu wake na vinya wake, ekalaa nthìnì waku!

Mwii waku niw'o mùsyi wake. Kila vandù ùendaa aendaa naku. Viasala waku nì wake! Ndwisa kwina kana kùvoya athengeangie vala ùi ; E NTHÌNÌ WAKU! Wakwata ùmanyì ùù, ùkavindù kùsoania Kwaku na mwikalo waku wa thayu; ùkeethiwa na ùthyù mweù thayùni waku. Itavye afii "Nye na Ngai, twi kindù KÌMWE." Nìthalanitw'e nake na nì ngwatanio yì ndaia nake matukù onthe ma thayù wakwa! Ndaia nì kwondù wa Ngai!

## ÙNEENI WA WATHANI

**Ngoo yakwa nì ùthyùmùo wa ìthe wakwa wa ìtunì. Ngatania ùthaihi wa ùthwii na ùkavindùa thayù wakwa ìsyitwanì ya Yesù! Ameni.**

## ÙELEKAN'YO WA MAANDÌKO

Yoana 14:11

## MÌTHENYA 365 YA KÙSOMA MBIVILIA

Mùsoa wa ùmùnthì: Alomi 11-13



**Aevelania 13:5**

**... Nùndù we mweene nìwaisye, ndika-kùnyivia o na ata, na ndikakùtia o na ìndii.**

Nasomie ùkunìkili weekiwe iùlù wa andù mavulilwe mekalae me oka, na maina kiwango kinene kya kwithiwa matonya kùkw'a tene mbee wa andù ala mekalaa na andù mate oka. Ùù nì ùkunìkili wa andù wianene na mo-soanio ma andù. Ve ùndù mùnene aklisto mekalaa naw'o, na nìw'o ùù. Ta kana ka Ngai, wina Veva wa Ngai nthini waku; kwa ùu ndwiweka. E nthini waku ivinda yonthe. Wia ùmwe wake nthini waku nì kwikala vamwe naku, akikia mùikìio waku viny ana aikwikia ùthuthyo wa kwika wendi wa Ngai na kwianisya wito waku.

Ìthiwa na ùmanyi wa withianu wa Ngai. Veva Mùtheu e mbee wa ùtao kana kùveveewa; Nì ìthe waku, mùtai waku, mùithi waku na mùteth-eesya waku. Nokwitha ùivifila maùndù maito ooyù; ndùkaùùye; ndwiweka. Ìkalya wikwatyo waku na wendo waku kwa Veva Mùtheu ; ndasonokasya.

## **ÙNEENI WA WATHANI**

**Ndithiawa niweka. Veva wa Ngai wikalaa nthini wakwa, na ninake twi nguthu, alleluia! Amen.**

### **ÙELEKAN'YO WA MAANDIKO**

Yoana 14:26

### **MÌTHENYA 365 YA KÙSOMA MBIVILIA**

Mùsoa wa ùmùnthi: Alomi 14-16



**Ùvuan'yo 12:11**

Nao mamùkiklyá vinya nùndù wa nthakame ya kala katena ka ilondu na nùndù wa ndeto ya ùkùsì woo; na matyaamenda mathayù moo o na kùvika kìkw'ù.

Ve kùndù kwìli kwa ùkùsì. Wa mbee, ve kùkùsìia ndeto. Kana atìi, kùmìnee-na ndeto ya Ngai ùndù ikùkonetye. Kwasya ùndù ndeto yasyaa. Wa keeli, ve kùkùsìia meko make ma mùmo na wendo. Ùù nìw' o tùkùneneá ùmùnthì.

Vaa ve ùndù ùtonya kwìtha ùtesì: ndaimoni ifimanyaa kila ùsoania kana kila wìsì, ìndì ìla syeew'a ùkùsìia, nìtwaa ùkùsì waku kambini syoo kwa ùndù wa kwìkala vaasa naku nùndù nìsyonaa kana nìwìsì niwe ùù nthini wa Klisto. Kwa ùu ìthiwa na mùtuo wa

kùkùsìia vinya wa Ngai ìvinda yonthe, ùseo wa ndeto yake, na viny awa Veva thayùni waku. Ndùkaaone ùndù o na ùmwe Yeova wìkaa thayùni waku kana ùkùtùmìiaa kùwika ta mùnini, ùndù ùtaile kùwet-wa. Ve vinya nthini wa ùkùsìio ùla ùtonya umùkìlyá mùmàitha viny ana kùmùvalùkyá. Tùthengee kùmìna mwaka ùù wa ìia na ùkì wa nzùkì, ùkakùsìia o na mùno mbee isyítwani ya Yesù!

## ÙNEENI WA WATHANI

**Kwa ndeto ya ùkùsìio wakwa, nìnisindìte amaitha on the. Vinya na ndaia ya Mwaii ikeyonan'ya thayùni wakwa isyítwani ya Yesù! Amen.**

### ÙELEKAN'YO WA MAANDÌKO

Maliko 5:20

### MÌTHENYA 365 YA KÙSOMA MBIVILIA

Mùsoa wa ùmùnthì : meko ma atùmwa 20-23



**Aeveso 4:22-23**

Ùndù wa mwikalile wenyu wa tene, mummyei mwikye kuasa mùndù wa tene, ùla wanangikaa kwa ùvikilaa mimeo ya ùkengani; mùtwikithw'e eù vevani wa iliko syenyu.

Ìla mbivilia ikùneenea iùlù wa "mwikalile wa mùndù wa tene" ìneene mwikalo wa tene, ùneeni wa tene, kana mùtùo wa thayù. Ìndi nùndù ooyù nùtaniaa thayù ta mwana mùtangìe wa Ngai, niwaile kùleky'a maùndù ma tene na ùkyùlwa nìmo. Kùndù kùla waendaa tene yu ndùtonya kùthi ìngì. Ùndù wanenaa tene yu ndùtonya kùneena kana andù ala weetikilasya thayùni waku yu ndùtonya kùmetiki-lyà. Kwianana na ndeto ya ùmùnthi, maùndù asù nì ma ùkengani, nayù no kùtwikithw'a kiliko kyeù noyo nzia ya

kùthi na mbee.

Ambiia kweùvya kiliko syakù kwa kùsoaniia wailu na kwona mavisa ma wailu. Sisyà na kiliko syaku maùndù ala matheu, ala me ùlùngalu, ala ma uw'o, ala ma kwendeesya, ala ma nguma nzeo, (Avilivi 4:8). Ndwiisa kùendee na mwikalo wa tene wa thayù; yu wina kivathukan'yo. Mùndù ùsu waku wa tene akw'ie tene; ndùkethiwe nan goo ngjito iùlù wa maùndù weekie tene. Ùkika ùù, wanakavyo wa Veva ùkeeyonan'ya mùndùni waku wa nza kwa kithimo sya kwongeleka ìvinda yonthe.

## ÙNEENI WA WATHANI

Nìneùvitw'e na kùsyawa ìngì nì Veva wa Ngai, nùmbitw'e na kitutya sya Ngai na mwikalo wake mweene. Kùma ùmùnthi nìsoaniaa maùsoanio ma kwailw'a, ma ùsindi, ma ùtonyi na kwingivìwa isyitwani ya Yesù! Ameni.

## ÙELEKAN'YO WA MAANDÌKO

Alomi 12:2

## MÌTHENYA 365 YA KÙSOMA MBIVILIA

Mùsoa wa ùmùnthi: Meko ma atùmwa 24-26



**1 Timotheo 2:1-4**

Ìndì, mbee wa maùndù onthe, ningwisù-va kana kwisùvana, na kùvoya, na kùvoyea, na kùtùnga mùvea, kwikawe kwondù wa andù onthe; kwondù wa asumbi na onthe me na ùnene; nì kana twithiwe na thayù mùuu na mùuo kafi wa kùmùkia Ngai kw'onthe na mwikalomùseo. Ùndù ùù nì ùseo na nìwifikilawa kwa Ngai mùtangìi waitù; ùla wendaa andù onthe matangìiwe na moke mamanye ùla w'o.

Kilungu sya mìsoa ya ùmùnthì nikyusùitwe nì walan'yo mùnene wa mboya ùla ngwenda kùelesya. Sisyà ùndù wa mbee ùla tükùmany'iw'a kwikaa yila twathi kùvoya. Ùmanyisyo nì ÙNDÙ WA MBEE, kùvoyea ANDÙ onthe vate kyendi. Kwa ùù ndùusemba kwivoyea we mweene; wivoyea andù

angì. Kùvoya kùngì nì kwondù wa ala me ùtongoinì, asumbì, atongoi ma nthì, na maùndù angì maingì; sisyà maandiko matikwasya ùvoyee kyama syaku sya siasa Kyoka-voyea syonthe.

Ve ùseo mboyanì isu, na maandiko nì mekwonan'ya nesa. Measya tweeka ùu, tùkekala thayù ùmakitw'e nì ùngai na ndaia. Kùvoya ùù nì kùtanithasya Ngai. Lilikana kila thayù wì vata kwa Ngai, na nùtanaa ìla wavitya angì mbee na kùmavoyea. Ùtangìio nì wa kila mùndù-voyea mùndù ùmùnthì.

## ÙNEENI WA WATHANI

**Kùma ùmùnthì, ngavoyea angì mbee wa ùndù namavoyeaa. Nìneena ùathimo na ùì na mùuo kwa asumbì onthe na ala me ùtongoinì ìsyitwanì ya Yesù! Amenì.**

### ÙLEKANY'O WA MAANDÌKO

Yelemia 29:7

### MÌTHENYA 365 YA KÙSOMA MBIVILIA

Mùsoa wa ùmùnthì: meko ma atùmwa 27-28



**Isaia 41:15**

Sisya, nìnikùtwìkìthìtìye kìvui kyeù kyùì kì maeo; ùkavùà ìima, na kwikùna syìthìwe nini, na ùkatw'ìkìthya tùlima ta wewa.

Aklìsto aingì matyaelewa vinya ùla methiawa naw'o minukani yoo. Na mekalaa na ùtumanu na vatì ùndù ùendaaa thayùnì woo. Eka wone kindù. Ìvukunì ya Yosua 1;3, Ngai aisye "kìla vandù unyailì wenyu ùkakinya, kùu nìmùnengete" Ana-a-asa na èitu-a-asa ùù nì ùndù wina mùyo kw'iwa indì nì ùw'o wa ùtìanio mùkùù. Twina nzia nzeo yu- kùkilw'a yu kwì mùnukani! Yù fì vala ùnyailì waku ùkakinya indì nì kila ùkeyiaa kìthìwe!

Mùnuka waku wì vinya mwingì mùno kwìsila ndeto syoka! Kìla ìvinda wanee-

na ndeto na mùnuka waku, withiawa ùitùmia mùio wì mùisyo mùno. Ùseo waw'o nì kana nì ùendaa naw'o kila vandù! Ndeto ya kìingiliki ya mùnuka nì "stoma," ìla nì "mùthya mùi wa mùio." Mùsoa wa ùmùnthì wiasya nì ùvyù mùi wina maeo! Nùtonya kùfila ùkya, ùvalùkù, ùwau ta kanza, sukali, ùkimwi, na angì maingì. Ùtùmie mùnuka waku kwaka ùnì waku!

## ÙNEENI WA WATHANI

Kìla ngatamùkaa na mùnuka wakwa ùmùnthì nìsyo ngak-wataa. Mùnuka wakwa nì mùio, na ngaùtùmiaa, na ngaùtùmiaa mùno ìsyìtwani ya Yesù!Ameni.

### ÙELEKAN'YO WA MAANDÌKO

Nzekalia 4:7

### MÌTHENYA 365 YA KÙSOMA MBIVILIA

Mùsoa wa ùmùnthì: Akolosai, Vilemona



**Aevelania 13:15**

**Kwondù wake ìndì tùmùthembeae Ngai nthembo ya ndaia mavinda onthe, nayo ni ùsyao wa ilomo sitù ila syumbùlaasyitwa yake.**

Nì ìvinda yàne ata ùmwe ùkamùthaiitha NGAI? Nì ìmwe kwa kyumwa, kana nì ùthaiithi ùendee, kana nì ìla twina mea? Mùsoa ùla twasoma witwon'ya nì ìvinda yonthe. Sisya ùndù mùsoa ùkwasya "ùthembi wa ilomo sitù" kwasya nìwaile kùmùnenga nguma ìvindani ya ùtanu na mùno ìvindani ya ùthùku! Nì ùthembi ùnenganawe kila ìvinda; mùtaie kila mùthenya!

Ùtaio nì kùtùnga mùvea: kùtaia na kùkatha ùnene wa Ngai kwa meko make malau. Tùendee na ìvinda yìi ya ùtanu wa sikùkù, ìthiwa na mea

maingì ma kùtùngia Ngai mùvea, ùlilikana ùndù watunengie mwana wake e ùmwe, m'utangiii waitù Yesù klisto. Ina mbathi sya kùmùtaia kila mùthenya. Mwakani ùù wa ìia na ùki wa nzùki, nùkùsùvite, na mwakani ùsu ùkìte nùkùendee kwika ùu. Mùtaie kwondù wa ùu!

## ÙNEENI WA WATHANI

**Na ilomo syakwa ngamungae Ngai ùthembi wa ùsyao wa ilomo syakwa. Thayù wakwa nìwanakavitw'e nùndù wake. Nìmùvea ìthe wakwa wa ituni nùndù ùla ùmbikite thayuni wakwa! Amenì.**

### ÙELEKAN'YO WA MAANDIKO

Osea 14:2

### MÌTHENYA 365 YA KÙSOMA MBIVILIA

Mùsoa wa ùmùnthi: Aeveso



**1 Yoana 4:17**

**kwondù wa ùu wendo, nìwianiw'e kwitù, nì kana twiithiwa na ùnyiu mùthenya wa ùsililo; nùndù ùndù ùilyi we, nìw'o ithyi kùù nthi.**

Lilikana kana ìla wathayùùkie, amanyiw'a ma Mwicaii Yesù Klis-tò ma-komanie nyumbani ìmwe, na ndiisya na miomo syai mbinge. Ona mavingite miomo Yesù amaumilila esile ùkùtani. Mbee nìmonaa ta yimù, ìndi amatho-sya kùkwata mwii wake wa nyama na mavindi, ùla yimù itethiawa naw'o.

Mùsoa wa ùmùnthi withingilila kana ùndù ùilye niwo tùilye ithyi kùù ìlù wa nthi. Withiwe nùkwaw'a kana ndwi-na mùkiiwa wa ùu ndùtuma ùw'o wa maandiko aa ùteania. Kwa metho ma nyama andù ma nthi nìmatonya kùlea

kwona mùtuo waku wa ùngai ìndi ùw'o ndùleaa kùngama. Twi kila Ngai ùtwiyiaie kwithiwa- syana sya Ngai kùù ìlù wa nthi. Mùtuo wake wi nthini waku. Wina ùtonyi wa kùlikila o na ngùtani; No wiyiaie ìima kùlika ùkanganì, na iyithiwa na ùndù ùngi eka kiw'w'a. mùsoa ùù with-ingilila kana wina vinya ùù kùù ìlù wa nthi na fi nthi ùngi ìkoka.

Thangaa nthini wa mùtuo wa Ngai na ùitùmia vinya ùla ùnengetwe kù-  
sumbika nthi!

## ÙNEENI WA WATHANI

**Nitonyethetw'e kuma ìlù! Ninikilite nthi ìno vinya kwisila Klis-tò. Ndambiisya mùthenya wakwa ùmùnthi vati ìfatwa ìkaùngama nziani yakwa isyitwani ya Yesù!**

### ÙELEKAN'YO WA MAANDIKO

Savuli 82:6

### MÌTHENYA 365 YA KÙSOMA MBIVILIA

Mùsoa wa ùmùnthi: Avilivi



**Avilivi 2:12**

**Kwondù wa ùu ìndì, endwa makwa, o ùndù mwaì ewi mavinda onthe,ti yila nai vo yoka, ìndì yu mbee mùno nde vo, ìanisyai ùtangiiò wenyu na kikiò na kitetemo;**

Nasyaa kana ethiwa mathangù ma mbivilia yaku makekala matemavue, vatì ùsyao ùkethiwa naw'o. ndeto yumaa mathangùnì asu ìkalika nthinì waku ìla wamisoma na kùmisoaniia na kùmeneenaa. Wailitwe nì kwikaa ndeto ìndì ti kùmìsoma kw'oka kana kùmìandika kw'oka yila mùtavan'ya ùkùtavan'y'a.

Ngai nìwikite kila ùndù w'on the wailitwe nì kwika nì kana ùtanìe thayù usùitwe nì iia na ùkì wa nzùkì. Ìndì wina wia wa kùmìthùkùmìthya ndeto thayùnì

waku. Niwe wailite kùsisya kana maùathimo ma Ngai nìmeanìu thayùnì waku. ethiwa wì mùwau, mwonzu kana kùmìia mwìinì waku na nùk-wenda kùvoa, ìkia mùikìio waku wianì. Ùnga na mùikìio na ùkiyiaa kana thina ùsu nì mùthelu! Thùkùmìthya ndeto ìla yì thayùnì waku, mikathe mùno na ùimìweta mùno! Ndeto yì thayù; ndùkamilekye o na vanini!

## ÙNEENI WA WATHANI

**Nineena ùvosyo, ùtwii, ùsindi na kwongeleka ndimìthùkùmìthya ndeto ùmùnthì. Kila mùnuka wakwa wiyiaa kikeaniaw'a ìsyitwanì ya Yesù! Amenì.**

### ÙLEKAN'YO WA MAANDÌKO

Yakovo 1:22-25

### MÌTHENYA 365 YA KÙSOMA MBIVILIA

Mùsoa wa ùmùnthì: 1 Timotheo



**Savuli 2:8**

Eka ngwon'ye ùndù Ngai waisye. Aisyi atii "wì mwana wakwa, na ùmùnthi nì mùthenya waku wa kùsyawa. Wienda syaù? Nthi mbingi ta mùthinziò? Kana itulu sya nthi ta mùthinziò? Mbitya,- na ngakùnega mbai syithiwe ùtiwa waku, Na itulu sya nthi syithiwe ng'un-dù yaku."

Nitwisiyì kana eka kùtania kùsyawa kwa Yesù Klisto, ivindani ya kisimisi nikwithiwa na mithinzio mingi inenganawe kafi wa endwa ma andù. Yù kwasoania mùndù ùla mùthwii mùno viu nthi ino ndaùkùly'a nì syaù ùkwenda ta mùthinziò wa kisimisi? Nìngùtaiia maùsungìo!

Mùthinziò mùseo ùmaa va? Sisyi ingi mùsoa wa ùmùnthi. Ngai ekùly'a ikuly'o. ùni Mùmbi wa nthi, fi mùndù ùla mùth-

wii mùno iùlù wa nthi. Ùthwii wake wì mbee wa kiliko sya mùndù na kùlewa kwa mùndù. Easya mùsoani wa 8, "wienda ki" na aisungia na ùsùngìo mùseo vya na akyasya "mbai syonthe ta mùthinziò kana itulu sya nthi ta ituvi?"

Nùkwona kivathùkan'yo sya ùndù Ngai ùsoaniaa na ùndù andù aingi masoaniaa? Kùkanenganwe mwanya andù aingi manyuva uthwii wa syindù sya nthi na mafithiwa na ùtanu wa kavinda kùte kùnyuva nthi mbingi kùmisyokea ngoo ya Ngai. Ithiwa na mea ma kùtavan'ya ùvoo ivindani yii ya kisimisi. Nenge mùndù mùthinziò ùla wa mbee, mùthinziò ùla mùseo, ùla, ùtangiiò isyitwani ya Yesù!

## ÙNEENI WA WATHANI

Mùthinziò ùla mùseo mùno mbee ngwenda nì kùvingùia mbai na itulu sya nthi kwondù wa kùtavan'ya ùvoo mùseo. Ninee-na ngetha ya mathayù mbee wa ùndù naaketha isyitwani ya Yesù! Amenì.

### ÙELEKAN'YO WA MAANDÌKO

Yelemia 29:7

### MÌTHENYA 365 YA KÙSOMA MBIVILIA

Mùsoa wa ùmùnthi: Tito



**Savuli 119:105**

**Ndeto yaku ni taa wa maùù makwa,  
nak yeni kya nzia yakwa.**

Kilungu sya mùsoa wa ùmùnthi ni kimwe ùlù wa ila syi lato ìvukuni ya savuli. Taiia kwa ndatika. Ùndù ùtonya kwaa na kùkosa mwelekeo wina misoa ta ìno? Ni ùndù wì vinya kwanganga ùlù wa vala ùendete yila ndeto ya Ngai ìkùùmùlikila kila ìtambya.

Mwii Yesù aisye ìvukuni ya yoana 8;12, "... ni kyeni kya nthi: ùla ùmbikilaa ndakakinyaa kivinduni, ìndi akeethiawa nak yeni kya thayù." Ndeto ya Ngai niyo nzia yaku: ikenansya nzia yaku. O na weeyithia makuthuni meane ata, lika ndetonì- ìkakunenga kyeni kila kie-tae mwelekeo. wavikila ndeto ya Ngai, ndùkasya nzia: ùkookilw' a ùndùni w'on

the ùla wiikaa.

## ÙNEENI WA WATHANI

**Ndi mùklisto ùte mwelekeo. Ndeto ya Ngai yì nthìni wakwa mùno na kila ìtambya nitambasya nikenetw'e na niyonekaa na ùthei. Ni mùvea Mwii kwondù wa kùken'ya nthi yakwa!**

## ÙELEKAN'YO WA MAANDÌKO

Yosua 1:8

## MÌTHENYA 365 YA KÛSOMA MBIVILIA

Mùsoa wa ùmùnthi: 1 vetelo



**Maliko 9:23**

**Na Yesù amwía, Ethíwa we nùtonya!  
Maùndù onthe nì matonyeka kwa ùla  
ùnùkùkììa.**

Ana-a-asa na eitu-a-asa, nì ùndù wa vata kùmanya ùndù wì mùthwii wa ùtonyi wa kwail'y'a thayù waku. veva waku nì mùthwii nthìni wa ùtonyi wa kwika maùndù. Ìla veva waku wavikila ndeto ya Ngai, vati kùweta ùndù ùtonya kwika; vati kùweta kila ùtonya kwithiwa; vati kùweta kila wailite kwithiwa tenevati kindù sya kùsùsìia!

O na ethiwa wikiwe mbingilo syiane ata, ti ùndù wa kùmakya; no wasye ùmite mùsyini mùthùku, no wasye wina kùtindan'ya kùthùku kana weaniie mbaini nthùku kana kìsomo syaku ti sya sukuku nzeo- vati kìvathùkan'yo- wì

mùnenge ùthwii wa kwika maùndù. Mùsoa wiasya MAÙNDÙ ONTHE nì matonyeka, ti amwe. Ùndù wa kwika nì KÙKÌÌA.

Nùkùkììa kana thayù waku noùvìndùke vyù kwithiwa na maùseo kuma ùmùnthì? Nì vatonyeka- ikììia!

## ÙNEENI WA WATHANI

**Nìkììia na ngoo yakwa yonthe na kùmùkììia Ngai kana thayù wakwa kuma ùmùnthì ùvìndùkìte kwonaa maùseo. Nusùitwe nì ùtanu ùmùnthì nùndù nìnìsì nìvatonyeka! Amenì.**

## ÙELEKAN'YO WA MAANDÌKO

Mathayo 12:35

## MÌTHENYA 365 YA KÙSOMA MBIVILIA

Mùsoa wa ùmùnthì: Aevelania 1-6



**Yoana 10:10**

**King'ei kityùkaa, ate o kana kyùye, na kùaa, na kwananga: nyie ninook-  
ie kana methiwe na thayù, na ingi  
methiwe naw'o mwingi.**

Ethiwa nùsaaniaw'a niki Mwialii Yesù Klisto wookie kùù nthi, ùsùngio wi mùsoani ùsu. Ngai niwendeeaw'a mùno withiwe na thayù wa ùtanu, kwikala thayù mùseo viù mùvaka ùketikanga!

No kwitha ne ùndù wa kùmakya kwa amwe kana Ngai ookie ni kana methiwe na thayù wa kùtana, ethiwa ni meethiwe na ivinda yùmù tene kwa ivinda iasa. Thayù nùmaisye mùsamo na nimakwite ngoo na kwasya ùtanù mùvaka kwitikila o kila kikoka. Ùsu ni thayù wi ùthatu kwikala, na mbee

ethiwa ni ùtee na mùvango wa Ngai.

Ni ùtanù wa ithhe waku wa ituni kwona wina ùima wa mwii, wina ùthan-gaau, wina vinya, wina ùtanu, na wina thayù ùkwitikanga. Kwa ùu, tania mùvango wake wa withiwe na ùkwafi na kùtania thayù kwa wingi. Ithiwa na ùtanu ìla ùkwikala thayù wa wingi, thayù wina mumo mwingi, mùuo na ithheka isyitwani ya Yesù!

## ÙNEENI WA WATHANI

**Niyiãa na kùneena kana kuma yu, thayù wakwa wisi wingi  
w'oka. Ndikethiawa na sya kwian'ya kw'oka; ngeethiawa  
na wingi ùkwitikanga wa syindù syonthe isyitwani ya Yesù,  
withiwe ùu!**

### ÙELEKAN'YO WA MAANDIKO

1 Timotheo 6:17

### MÌTHENYA 365 YA KÙSOMA MBIVILIA

Mùsoa wa ùmùnthi: Aevelania 7-10



Luka 1:74-75

Kana, twavonoka mokonì ma amaitha maitù, akatùnenga ithyi kùmùthùkùma tùte na w'ia, twì na ùtheu na ùlùngalu kwake mithenya yaitù yonthe.

Aklisto aingi nìmaseng'aw'a nì ndeto ìno ya ùtheu. Eka ngùsomethye o vanini. Ùtheu nì mùthinziò, na vati ùndù wikaa nì kana kùinewa, nùndù ùnenganawe vate thoaa. Wì mùtheu mbee wa Ngai o na ethiwa weekie mavityo meva tene. Kuma ìla wamwosie Klisto, wasyokie mùtheu. Na ve kùùsuvia ùtangìio waku na ùi wa Ngai; no mùvalka wikale thayù wa ùlùngalu. Witawa kwikala ùlùngalunì.

Aklisto amwe maasyaa meenda kwonan'ya ndaia ya Ngai thayùnì woo, na matikalaa na ùlùngalu. Ìndì

ùklisto nì wìto wa ùlùngalu. Thayù wa ùù-klisto ùla wì nthini waku nìwaile kwikalwa, na ndeto ya Ngai niyo kyeni syaku! Wonan'yo wa wendo kwa Ngai nì kwika ndeto yake; nìkwonan'ya wendo wake na mwikalo wake. Thayù wake na mùtuo wake nthini waku- ùlùngalu wake nthini waku ùtumaa kwikala ùlùngalunì kwithiwa ùndù ùtonyeka.

Mwìaii Yesù nùkùnengete ùsindi ùlù wa nai; kwa ùu, ìkalaa ùlùngalunì.

## ÙNEENI WA WATHANI

Nìkalìte na Klisto nthini wa viny ana ùsumbì ùlù wa satani na mbingìlo sya kìvindu. Nìnalea kwìthiwa nthi wa ùtao na kùlùngwa nì kìvindu kìla kìsumbìkaa nthi ìno ìsyìtwani ya Yesù! Amenì.

## ÙELEKAN'YO WA MAANDÌKO

Yoana 14:15

## MÌTHENYA 365 YA KÙSOMA MBIVILIA

Mùsoa wa ùmùnthi: Aevelania 11-13



Yoana 14:8-9

...Ûla wambonie nìwamwonie Asa; wiasya ata ìndi, Twon'ye Asa?

Ve andù aingi mùno kùu ìlù wa nthi matamwisi Yesù nù. Kwa amwe, ni mùtongoi mùnene wa ndini. Ìndi Mwidai Yesù ti mùtongoi wa ndini; Niwe Ngai. No mùvaka ùsome maandiko matheu ma Ngai ni kana ùelewe. Ìvukuni ya Yoana 5:39 Yesù aisye, "manthai maandikonì, nùndù ninyie makùsìiaa." Ek ngwon'ye maandiko angì mekwonan'ya ùu ùendee na kkùtavanya ùvoo mùseo ìvindani yìi ya kisimisi.

Mùsoani ùla tùsomie wa kùvingù, Aisye, " ùla wambonie, nìwamwonie Asa." Ni ùmwe na Asa.

Yoana 1:1 mbivilia ìasya, "mwambìlily-onì, kwai ndeto, na ìla ndeto yai vamwe na Ngai, na ìla ndeto yaì Ngai." Mùsoa wa 14 wiasya, "na ìla ndeto yatw'ika mwii, na yatù kafi waitù, (na ithyi twoona ùtheu mùtisu wake, ùtheu mùtisu ta wa ùla wasyaiwe weka auma kwa Asa) ausùite mùmo na w'o." ùu wineenea Yesù. Kwa kùtania kisimisi , ùtaniaa ndeto ìla yì thayù.

Mbivilia ìasya kana, wianiu w'on the wikalaa nthini wake ( Akolosai 1:19, 2:9). Niwe wonan'yo wa Ngai. Niwe "klisto" nthini wa kisimisi kii tùtania. Ngai ookie kwitù nthini wa mwii wa Yesù. ùu ni waitwe ni kùtaniwa!

## ÛNEENI WA WATHANI

Kuma ùmùnthi, nìneena mithenya mianiu yì mbee- Klisto e nthini wakwa; nìkwatisya kùlea kùnyivìwa! Ameni.

### ÛELEKAN'YO WA MAANDIKO

Yoana 1:10-12

### MÌTHENYA 365 YA KÛSOMA MBIVILIA

Mùsoa wa ùmùnthi: 2 Timotheo



Luka 2:11-14

Nùndù ùmùnthì, ndùani ya ndavifi, nìmùsyaiwe mùtangii, nake nì klisto ùla mwaii. Na wonan'yo wenyù nì afii: mùkoona kana kavw'ikitwe ngùà sya ùkenge, kamamitw'e mùvalafini

Ùù nì ùvoo wa mùlaika kwa aithi weùni mùthenya ùsu. Mùthenya ùla itu yataniie kùsyawa kwa Mùsumbì na mùthenya ùla tùùtania ùmùnthì. Asyaiwe kwianisya Kwenda kwa Asa. Aì wendo wa Ngai ùla wiyonanitye kwitù. Aì kalondu ka Ngai ka ùthembi ka kùkw'a na kùiva thooa wa ùtangiiò wa nthi, kùmathengeesya andù ngwatanioni na Ngai.

Atùtangiiie kwa wendo wake na anengane thayù wake kwondù witù nì kana twithiwe na wendo wa Asa kwisila kùtindan'ya. Yesù ekalanisye na wendo wa

Asa mbee wa kila mùndù waasyawa. Aisye ivukuni ya Yoana 14:10, "Nì nthini wa Asa, na Asa e nthini wakwa." Aendanisye na Asa na Asa aendan'ya nake. Wendo o ùsu wawiw'ie kwa Asa now'o watùoleile. Tùyailye indi we atwailya.

Ndaia kwa Ngai iùlù mùno!

Kisimisi kiseo!

## ÙNEENI WA WATHANI

Ùmùnthì, nìngùtana vamwe na andù aingì wendo wa Ngai ùla wikalaa nthini wakwa! Ndaia, Amenì.

## ÙELEKANY'O WA MAANDİKO Y

Yoana 3:16

## MÌTHENYA 365 YA KÙSOMA MBIVILIA

Mùsoa wa ùmùnthi: 2 vetelo, Yuta



**Aeveso 5:1**

**Nùndù wa ùu, ìthìwai mùkielekan'ya na Ngai, ta twana twendetwe;**

Ta aatĩii ma Ngai, no mùvaka twikuùe thayù wa Mwĩaii Yesù Klisto nì kana tùmanye mwikalo ùla twaile kwithiwa naw'o. vafi mùndù waaneena ta Yesù. Ndeto syake syiyoonanasya mùkĩio, wikwatyo, na wendo w'oka ìndi nĩsyat-iaa andù makwete maùndù asu.

Kwa vindiĩsya ùndù waneena ndeto na syama mbingi iyiatĩia. Amwĩie Vetelo na anyanyae ala mai ùkanganì ùtukù mùima matakwatya ìkùyyù o na yimwe, "Twaa ngalawa vala ve kyùngù, mùlikye itei syenyu nì kana mùkwatye" (Lùka 5:4). Na meeka ou makwatya makùyyù maingì na itei syoo syambiia kùtw'ikanga. Kiu nì kyama

kinene kikitwe nì ndeto syake!

Ngelekan'yo ingi nì ìla waithisye nguthu ya andù na leù wa kamwana kanini kwa kùneena ndeto; Aneenie ndeto na athayùsya lasalo; kwa ndeto syake, aùngamisye kiùutani kinene. Na maùndù angì maingì. Atùmĩie ndeto mbee wa mùndù ùngì wonthe na avindùà mavinda ma kũo masyoka mavinda ma ùtanu. Aisyee, "Nineenaa ndeto syumite kwa ìthe wakwa." Ìkaa ou o naku kuma ùmùnthì na kùnena ndeto ìla syumite kwa Asa; neenaa ta Mwĩaii Yesù!

## **ÙNEENI WA WATHANI**

**Nineenaa ta Asa wakwa. Kuma ùmùnthì kuthi na mbee, o ta Mwĩaii Yesù Klisto, ndeto syakwa nilingitwe na vinya wa kùmba. Kila nineenaa nì kithiawa. alleluia!**

## **ÙELEKAN'YO WA MAANDIKO**

1 Akolintho 11:1

## **MÌTHENYA 365 YA KÙSOMA MBIVILIA**

Mùsoa wa ùmùnthì: 1 Yoana



**Yakovo 3:11**

**Manzi me mùyo na manzi me ùù nì ma-  
tonya kuma nthongoni ìmwe?**

Aklisto aingi nì makwetye kwika maùndù ma mwiso kwondù wa kwiyùmbanisya mwambìlilyo wa mwaka. Ndoto nìsyiandìkitwe, na "sya nìvilanìt'w'e" kwondù wa kwianisya kila matw'ite kwika mwaka ùngì. Eka ngùnenge kii. Ethìwa nùkwenda kwona ùkiendee kila ìvinda ndwikala thayù wa ùsindi kila ìvinda ùla wìfìtwe kwikala, no mùvaka withiwe na ùthangaau na kithito. Vati "kùvilan'ya syaa" kùkaùtethya. Ndùtonya kùneena vinya, ùnyiau, ùsindi, ùima wa mwii na usùanu na ingi ùineena wonzu, w'ia, kùvalùka, ùkya na ùwau.

Wasya kana thayù wì maùmù ala maw'o, kila ùkwasya nì kana thayù waku ùkeethiawa ùleelu, ùtewakùleeka, na ùtena mwelekeo. Kiu ti sya aklisto; tùendaa iùlù na mbee w'oka

Sisa na kithingìisyo mwakanì ùù na ùkwata ndoto syaku. Ndaia ya Ngai, ùla wìkaa wia nthini waku wa wendi na wa kwika wianiu wake, akaenisya watho wake nthini waku wa ùathimo mwakanì ùsu twathi. Ìthìwa na ùthangaau!

## ÙNEENI WATHANI

**Nì mùthangaau kwona thayù mwailu mwakanì ùù twathi. Ndìkefikilasya maùndù ma ùtanu na maùndù ma woo kwa ìvinda yimwe. Maùndù onthe me mùyo, na ou niw'o, ìsyitwani ya Yesù! Ameni.**

### ÙELEKAN'YO WA MAANDÌKO

Yakovo 1:8

### MÌTHENYA 365 YA KÙSOMA MBIVILIA

Mùsoa wa ùmùnthi: 2 & 3 Yoana



Luka 6:37

Manyai ùsilila, na inywi mù-  
kasililwa: manyai kùtw'a, nenyu  
mùikatw'iwa: ekania, nenyu mù-  
kaekewa:

Lilikana ìla Vetelo wamùkaiie Yesù?  
Mbee wa andù, Vetelo aìlìte kùlewa na  
kùvetangwa na kwithiwa ate mwailu  
kwithiwa mùtùmwa; ìndi ti mbee wa  
Yesù! Amaumìlìile amanyiw'a make  
na amùlùlùmìily'a Vetelo. Akùly'a Vete-  
lo mala atatù, "Nùmbendete?" kwa  
kwivita kwa Vetelo, Yesù amwì, "Ìthya  
tùlondu twakwa" (Yoana 21:15-18).

Elewa, Yesù ndaasya, "Vetelo, wionaa  
ta ninoolilwe nùndù ùneekie, eh? Wì  
ùmakyo mùnene! Ìtina wa kwona kya-  
ma ila nikìte na kwivita kana nùmben-  
dete, wangaia mbee wa aa. Ùkeeli-

la kwondù wa ùndù ùsu. Ngakùkìia ata ìngi kùthi na mbee?" Ayie  
ataaikia mavityo ma Vetelo ngoonì. Ùù nì wendo wa Vwana witù!  
Ùtonya kwika ata kwa mùndù ùla ùkùkoseete ùù? No ùlee kwosa ta  
ùndù mùnene ta Yesù? Amwì menyu nì maekeaa, ìndi nì methiawa na  
kyendi kùkeani kwoo. Nimendaa andù asu mew'e ùsililo wa mavityo  
moo. Ùsu fi ùkeko. Nì ivinda ya kwikuù. Ekania tùkila mwaka. Tùma  
ùvoo ùsu, kùna simù ìsu, thokania- ekania!

## ÙNEENI WA WATHANI

Nitùngia Ngai mùvea nùndù wa kùlea kùnzililaa ìndi nùnde-  
keaa. Ùkeko o ùsu nìekewe naw'o onakwa nìngùmaekaa  
angì oyu. Ataiwe Ngai, Ameni.

## ÙELEKANY'O WA MAANDIKO

Aveso 4:32

## MÌTHENYA 365 YA KÙSOMA MBIVILIA

Mùsoa wa ùmùnthi: Ùvuan'yo 1-8



**Akolosai 1:12-13**

**Mùkìmùtùngià Asa mùvea, ùla watùtwie ailu twithiwe osi ma ùtiwa wa atheu nthini wa kyeni. Ùla watùtangiiie kuma vinya ni wa kivindu na kùtùthamya na kùtùlikya ùsumbini wa mwana wake mwendwa;**

Mùsoani ùù wa ùmùnthi elewa atii, ndwi ùkomboni kana miaoni kana mavinyani ma kivindu. Ndùkathingithika nùndù nùtangiiitw'e. wi kimbithini maùndù aa ma kivindu matatonya ùvikila; ùsumbini wa Mwana Ngai. Ndwaile ni kwithiwa mateini ma ndaimoni. Ìndi ùndù wa kùmakya ni kana andù aingi makanisani matyaatùmia vinya na ùkùmù iùlù wa satani na mavinya ma kivindu.

Kwithiwa wi mùtangiiie, wi mùtonyethye mbee wa satani; wamùsindie mùmai-

tha na ng'ùndù syake nthini na kwisila Yesù Klisto. Ìla Yesù weekie ou wai nthini wake!

Ìthukiisye, Mwiaili nùkùnete vinya (ùkùmù) wa kùkinya nzoka mbai na ing'auù na iùlù wa ùtonyi wa mùmaiitha, na vati ùkethwa mùsyo vala ùi. Satani nde na lùusa wa kwika maùndù thayùni waku, mùsyini waku, kana mathayùni ma endwa maku. Wi ùmwe na klisto, ùsùitwe ni vinya w'onthe na ùkùmù ituni na iùlù wa nthi wa kùkilya satani vinya. Ìthiwa na ùkùmù mavindani onthe na ùsumbika nthi yaku!

## ÙNEENI WA WATHANI

**Nina ùkùmù iùlù wa nthi yakwa kuma ùmùnthi. Ndevili nde na ùndù nthini wakwa kana nthini wa endwa makwa. Ni mwan-gangan'ya mùsinde, na ùkeethiawa ou! Ameni.**

## ÙELEKAN'YO WA MAANDÌKO

Akolosai 2:15

## MÌTHENYA 365 YA KÙSOMA

Mùsoa wa ùmùnthi: Ùvuan'yo 9-16



**Savuli 23:3-4**

... Nùndongoeasya nziani sya ùlùngalu kwondù wa syitwa yake. Ii, o na ngaviti-  
la kyandani kya kyuu kya kikw'ù, Ndikakia ùndù ùthùku; nikwithiwa wì  
vamwe nakwa; mùnzýu waku na ndata yaku, ningiakiasya.

Yila wamwosie Yesù Klisto ta Mwiaii na mùtangiii waku, wìkalo waku Ngaini niwambiiie. Otondù túsomie mùsoani witù wa ùmùnthi, w'itwe nziani ya ùlùngalu. Andù amwe ni mekalaa mza wa mùvango wa Ngai nùndù mayikalaa ndetoni ya Ngai. Me kùndù kùla mataiilitwe ni kwithiwa mai maitin-  
dan'ya na andù mataiilite, mayikala nyumba mataiilite kwikala; thayù woo wonthe wì ùtee na wailu.

Ni ùtee na thayù waku, we wina kithetheesyo thayùni na thayù waku wina kitumi sya Ngai. Akùtongoe-  
asya na veva wake ùla wikalaa nthini waku, na nziani yaku ila Yeova ùvathùlite we wisile yusùitwe ni syindù syonthe ila ùkwenda kwondù wa kwianisya wito waku. Ethìwa nùkwìw'a ta ùkosete kana kwithiwa ùtee na mùvango wa Ngai, ivinda ti yiendu. Nisyo kitumi ndeto ino ikùvikiiie. Ivinda ti yiendu ya kùsyokea mùvango wa Ngai kwisila ndeto yake. Nùkwona ndaia yake mbee wa ùndù waaona.

## ÙNEENI WA WATHANI

Vafi itambya ngosa ikethwa ite itongoesye ni Veva mwakwani tùkwata. Kuma ooyu, nikalaa mùvanganì mùseo wa Ngai wa thayù wakwa! Alleluia, Ameni.

## ÙELEKAN'YO WA MAANDIKO

Aeveso 1:11

## MÌTHENYA 365 YA KÙSOMA MBIVILIA

Mùsoa wa ùmùnthi: Ùvuan'yo 17-22



**2 Akolintho 2:14**

Ìndì Ngai nakathwe, ùla ùtùtongoesya mavinda onthe ùkìlan'yoni nthini wa klisto, na ùla wonanilasya nthini waitù mùke wa ùmanyi wake kùndù kw'onthe.

Tùsisya mwakani ùù wa iia na ùki wa nzùki,ngoo sitù nìsyùsùite mùvea kwa Ngai kwondù wa mawiko manene ùthùkùmini na thayùni wa mùndù mweene. Mùsoa wa ùmùnthi wiasya Ngai nùtùtonyethasya nthini wa Klisto, na ùsu nì ùndù wa vata kùtùnga mùvea! Kila ùsindi w'on the ùmìte kwa Ngai.

Kwa ùu, sisya mwaka na kilikano; ìthiwa na mùvea, na wì mùtanu, ùitùnga mùvea na ùsùitwe nì ngoo ya ùtanu kwa Mwaii kwondù wa maùndù ala ùk-wikite. Ndùkose mwanya ùù kùtalan'ya

maùndù ala mathùku meekikie; ìndì, tala maùathimo maku. Tanìa kila ùndù w'onthe, ona ethiwa nì mùnini ata!

Lilikana, ùtanu nì wonan'yo wa mùkìio. Kwa kùkathìia na kùtana, wonasya Ngai visa wa mùkìio waku. Tùnga mùvea na wìkwatyo wa mwaka mùseo mùno mbee wa 2025!

Lilikana kuia mwaki wa kithembeo wakanite kwisila mboya mwakani ùù mweù.

Mwaka mweù na Ngai akùathime!

## ÙNEENI WA WATHANI

**Nithosya mwaka mweù wakwa na ngatho sya ùtanu kwa Mwaii. Ùkeethiwa mwaka wakwa ùla mùseo vyù ìsyitwani ìnene ya Yesù! Amenì.**

### ÙELEKAN'YO WA MAANDÌKO

1 Athesalonika 5:18

Mùvea mùnene!

**Nùminie mìthenya 365 ya kùsoma mbivilia kila mùthenya.**



BY PROPHET  
**UEBERT ANGEL**

# OUR LORD JESUS CHRIST

Our Lord Jesus Christ is the cornerstone of the Christian faith, His life and teachings have profoundly influenced the course of history. Our Lord Jesus Christ is known for His unparalleled compassion, wisdom, and the miraculous deeds He performed. His message centered on love, forgiveness, and the promise of eternal life, offering hope and redemption to all who believe in Him. Throughout His ministry, He travelled across the lands of Judea, healing the sick, comforting the afflicted, and teaching about God's eternal kingdom.

Receiving Jesus Christ as your personal Lord and Savior means accepting His teachings and inviting His transformative presence into your life. It is a journey toward spiritual fulfilment, grounded in faith, love, and the promise of salvation.

Through our Lord Jesus Christ, we find strength, hope, and a path to eternal peace. To be made whole, or to be saved, is to submit to God and His plan and purpose for our lives. It is a turning from our old ways and turning to Jesus Christ, to ask Him for forgiveness from our sins and to give us new life in Him.

**Romans 10:9 says:**

"If you declare with your mouth that Jesus is Lord, and believe in your heart that God raised him from the dead, you will be saved."

Salvation is God's free gift to us and we become His children. It is an irrevocable acceptance into the family of God and it is an empowerment to live life wholly and fully with the purpose of reflecting God to the rest of His creation.

# NÙMWOSETE YESÙ KLISTO?

TWÌKÙTHOSYA KÙMWÌTÌKÌLA YESÙ KLISTO  
MWÌÀÌI WA THAYÙ WAKU KWA  
KÙVOYA MBOYA ÌNO

“AME NGAI, NOOKA KWAKU ÌSYÌTWANÌ YA  
YESÙ KLISTO. NÌNGÙMÙÌKÌÌA NA NGOO  
YAKWA YONTHE YESÙ KLISTO, MWANA WA  
NGAI ÙLA WÌ THAYÙ. NÌNGÙÌKÌÌA NÌWAKWIE-  
KWONDÙ WAKWA NA NGAI NÌWAMÙ-  
THAYÙ ÙKÌSYE KÙMA AKW'UNÌ. NÌNGÙÌKÌÌA  
KANA ÙMÙNTHÌ E THAYÙ. NÌNGÙUMBÙLA  
NA KANYW'A WAKWA KANA YESÙ KLISTO NÌ  
MWÌÀÌI WA THAYÙ WAKWA KUMA  
ÙMÙNTHÌ. KWÌSÌLA WE NA ÌSYÌTWANÌ YAKE,  
NÌ NA THAYÙ WA TENE NA TENE;  
NÌMÙTANGÌÌE. NÌMÙVEA MWÌÀÌI, NÙNDÙ WA  
KÙTANGÌÌA THAYÙ WAKWA! YÙ NÌ KANA KA  
NGAI. ALLELUIA!”

NÌ MÙVEA MÙNENE! YU WÌ KANA KA NGAI.

To receive more information on how you can grow  
as a Christian, please get in touch with us on

**UK: +44 3333 448 612 / USA +1240 781 6942**  
**RSA +27 51 004 0209**

[www.uebertangel.org](http://www.uebertangel.org) | [www.goodnewsworld.com](http://www.goodnewsworld.com)

# MAANDÏKO MA ÛSÛVÏO

## ÏSAIA 54:

WE ÛKALÛLÛMÏLW'A ÛLÛNGALUNÏ:  
ÛKEETHÏWA KÛASA NA KÛTHÏNW'A, NÛNDÛ  
NDÛKAKÏA; NA KÛASA NA KÛTÏSW'A,  
NÛNDÛ KÛTIKAKÛTHENGEEA.

SISYA, MATONYA KÛMBANA, ÏNDÏ TÏ  
KWONDÛ WAKWA: O ÛLA ÛKAKÛMBANÏA  
AKAVALÛKA NÛNDÛ WAKU.

SISYA, NÏNÛMBÏTE MÛTWII ÛLA ÛVUVAA  
MWAKI WA MAKAA, NA AIUMYA MUIO WA  
WÏA WAKE; NA NÏNÛMBITE MWANANGI WA  
KWANANGA.

MUIO O NA WÏVA ÛLA ÛSEÛVÏTW'E  
ÛKÛKITE NDÛKAÏLA; NA KÏLA ÛÏMÏ ÛLA  
ÛKAKÛKÏLÏLA ÛKÛSILÏLE ÛKOOSILÏLA. ÛÛ  
NÏW'O ÛTÏÏWA WA ATHÛKÛMI MA YEOVA  
NA ÛLÛNGALU WOO ÛLA WUMAA  
KWAKWA, EASYA ÛU YEOVA.

**ÛU NÏWO YEOVA ÛKÛMBÏA  
NA NDWÏLEA KWÏANÏA ÏSYÏTWANÏ YA YESÛ**

TRANSLATED FROM THE MESSAGE BIBLE IN ENGLISH



# SPONSOR A LANGUAGE

Sponsor a language today through our outreach campaign.

Join us on this remarkable journey by sponsoring and sharing the GoodNews Daily devotional so that we can penetrate the hearts of millions around the world. Together, we can spread the goodnews message of God's grace to every city, every street, and household in multiple languages across the world.

Every month, our dedicated partners distribute free copies of the GoodNews Daily devotional to people in orphanages, prisons, hospitals, homes of the elderly, schools, government institutions, and countless other locations around the world. We have received testimonies of salvation, healing, divine provision, and many more as a result of this global distribution campaign. Be part and parcel of this glorious move of God by giving someone the chance for a new start and fresh hope for tomorrow.

**BY PROPHET UEBERT ANGEL**

 @GOODNEWSDAILYDEVOTIONAL

SPONSOR AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)

**AVAILABLE IN MULTIPLE LANGUAGES**

# — A GLOBAL — VISION, REQUIRES A GLOBAL BUDGET

**Become A GoodNews Daily Partner**

Through your generous partnership and financial support we are able to share the GoodNews Daily devotional to every corner of the world and tell the untold about the goodnews revelation of our Lord Jesus Christ as taught by the Highly Esteemed Prophet Uebert Angel. We are able to translate, print, and distribute the GoodNews Daily devotional via our Mission Trips, GoodNews On-The-Go Campaign, and Adopt a Nation/Language to help further spread the gospel. Become a partner and stakeholder in this global vision and join us in taking God's divine message to nations across the globe through our Messenger Angel, The GoodNews Daily.

*By Prophet Uebert Angel*

📷📺📱 @GOODNEWSDAILYDEVOTIONAL

**PARTNER AT: [WWW.GOODNEWSDAILYDEVOTIONAL.COM](http://WWW.GOODNEWSDAILYDEVOTIONAL.COM)**

# — WELCOME TO OUR — ONLINE HUB

BY PROPHET UEBERT ANGEL

**VISIT OUR WEBSITE**

WWW.GOODNEWSDAILYDEVOTIONAL.COM

 @GOODNEWSDAILYDEVOTIONAL



Experience daily inspiration and spiritual growth by visiting the GoodNews Daily website. Dive into your prophetic Word of the day and enriching content that can transform your life. Don't miss the opportunity to deepen your faith and find joy in the Word of God. Visit the GoodNews Daily website today!

For more information visit: [www.goodnewsdailydevotional.com](http://www.goodnewsdailydevotional.com)

You can also send an email to: [gnd@goodnewsdailydevotional.com](mailto:gnd@goodnewsdailydevotional.com)


Or Call to: **USA: +1 (240) 781-6942 UK: +44 333 344 8612**

**ZW: +263 773 195 955 RSA: +27 (51) 004-0209**

# EVERY-DAY ON



Join our community of global listeners who start their day with the GoodNews Daily devotional. Listen to the GoodNews on Spotify and let it be your companion on the path to spiritual growth and biblical truth under the revelation and teachings of Prophet Uebert Angel.



# EVERY-DAY ON



We bring you real-life testimonies on the impact the GoodNews Daily devotional has had worldwide through our YouTube channel. As the number one daily devotional, it has touched countless lives, spreading the message of hope, love, and faith. Through the profound teachings of Prophet Uebert Angel, the GoodNews Daily devotional has become a powerful tool for personal transformation, inspiring individuals, families, and children to live a life of purpose and fulfillment.

**BY PROPHET UEBERT ANGEL**



SUBSCRIBE NOW

 @GOODNEWSDAILYDEVOTIONAL

WWW.GOODNEWSDAILYDEVOTIONAL.COM

# GOODNEWS DAILY KIDS

The global GoodNews Daily devotional kids is reaching and impacting the world in a glorious manner. This wonderful booklet has reached millions of homes around the world, impacting the lives of children with the profound Word of God.

One of the remarkable aspects of the GoodNews Daily kids is its availability in multiple languages across the world. This inclusivity allows many individuals and children to explore the message of joy and hope contained within the devotional in their native language. As a result, more and more families and children are embracing the transformative power of God's word and experiencing positive change in their lives.

**BY PROPHET UEBERT ANGEL**



SCAN ME

Access to worksheets & quizzes at:  
[www.goodnewsdailydevotionalkids.com](http://www.goodnewsdailydevotionalkids.com)

 @GOODNEWSDAILYDEVOTIONAL



SCAN QR CODE FOR YOUR FREE COPY!

## MY NOTES

A series of horizontal dotted lines for writing notes.



**The Good News World Helplines**

**USA: +1 (240) 781-6942**

**UK: +44 333 344 8612**

**ZW: +263 773 195 955**

**RSA: +27 (51) 004-0209**

[www.goodnewsworld.com](http://www.goodnewsworld.com)